



ჯანმრთელობის დაცვის და სოციალურ საკითხთა
კომისიის სხდომის ოქმი №5

26 დეკემბერი 2025 წელი

13:00 საათი

მ/წ 26 დეკემბერს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ბექა მიქაუტაძე;
2. შალვა ოგბაიძე;
3. ოთარ ჩრდილელი;
4. არჩილ ნიჟარაძე;
5. შალვა პერანიძე;
6. მიხეილ რეხვიაშვილი;
7. ქეთევან ჭავჭავაძე;
8. ვახტანგ სურგულაძე.

მოწვეული პირები:


ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის წარმომადგენელი თამარ ბერუაშვილი;

ქალაქ თბილისის მუნიციპალიტეტის მერიის იურიდიული საქალაქო სამსახურის უფროსი სერგო ბირკაძე.

სხდომის დღის წესრიგი:

ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ ქალაქ თბილისის მუნიციპალიტეტის საკრებულოს დადგენილების პროექტი;

ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესების დამტკიცების შესახებ ქალაქ თბილისის მუნიციპალიტეტის საკრებულოს დადგენილების პროექტი;



ქალაქ თბილისის მუნიციპალიტეტის 2026 წლის ბიუჯეტით გათვალისწინებული „დანგრეული სახლების მაცხოვრებელთა კომპენსაციის“ ქვეპროგრამის განხორციელების წესის დამტკიცების შესახებ ქალაქ თბილისის მუნიციპალიტეტის საკრებულოს დადგენილების პროექტი.

სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ბექა მიქაუტაძე. სხდომის თავმჯდომარემ სხდომა გახსნილად გამოაცხადა, დამსწრე წევრებს წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი და სიტყვა გადასცა ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის წარმომადგენელს თამარ ბერუაშვილს, რომელმაც წარმოადგინა ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის და სოციალური დაცვის ქვეპროგრამების განხორციელების წესების დამტკიცების შესახებ ქალაქ თბილისის მუნიციპალიტეტის საკრებულოს დადგენილების პროექტები.

წარმოდგენილი პროექტის მიზანია „ქალაქ თბილისის მუნიციპალიტეტის 2026 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 23 დეკემბრის N5-8 დადგენილებით დამტკიცებული ბიუჯეტით გათვალისწინებული, ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის ადმინისტრირებადი ქვეპროგრამების განსახორციელებლად საჭირო წესების დამტკიცება და წლის განმავლობაში ქვეპროგრამების შეუფერხებლად განხორციელება.

დადგენილების პროექტის თანახმად, მტკიცდება ქვემოთ ჩამოთვლილი ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესები:

ა) „დაავადებათა სკრინინგის ქვეპროგრამის განხორციელების წესი“ (დანართი №1);

ბ) „გადამდებ და არაგადამდებ დაავადებათა ეპიდემიოლოგიური კონტროლის ქვეპროგრამის განხორციელების წესი“ (დანართი №2);

გ) „აუტიზმის სპექტრის დარღვევის მქონე ბავშვთა აბილიტაციის ქვეპროგრამის განხორციელების წესი“ (დანართი №3);

დ) „ტრანსპლანტაციის ქვეპროგრამის განხორციელების წესი“ (დანართი №4);

ე) „ძუძუს კიბოს სამკურნალო მედიკამენტების დაფინანსების ქვეპროგრამის განხორციელების წესი“ (დანართი №5);

ვ) „ფსიქიკური ჯანმრთელობის სათემო მომსახურების ქვეპროგრამის განხორციელების წესი“ (დანართი №6);

ზ) „გაფანტული სკლეროზის სამკურნალო მედიკამენტებისა და კვლევების დაფინანსების ქვეპროგრამის განხორციელების წესი“ (დანართი №7);

თ) „სახსრების ენდოპროთეზირების დაფინანსების“ ქვეპროგრამის განხორციელების წესი“ (დანართი №8);

ი) „რევმატიოიდული ართრიტის სამკურნალო მედიკამენტების დაფინანსების ქვეპროგრამის განხორციელების წესი“ (დანართი №9).

„დაავადებათა სკრინინგის“ ქვეპროგრამის განხორციელების წესი (შემდგომში - წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „დაავადებათა სკრინინგი (კოდი: 06 01 02)“ (შემდგომში - ქვეპროგრამა) განხორციელების პირობებსა და პროცედურებს. ქვეპროგრამა მოიცავს შემდეგ კომპონენტებს: ძუძუს კიბოს სკრინინგი 40-70 წლის ჩათვლით ასაკის ქალებში, კერძოდ, ძუძუს ფიზიკალურ გასინჯვას და მამოგრაფიულ გამოკვლევას 2 პროექციაში, პათოლოგიის გამოვლენის შემთხვევაში ძუძუს ულტრაბგერით გამოკვლევას, საჭიროების შემთხვევაში, ბიოფსიური მასალის აღებას



(ექსკოპიური კონტროლით). აღებული ბიოფსიური მასალის ან/და დგრილიდან გამონადენის ციტოლოგიურ კვლევას. ასევე, საშვილოსნოს ყელის კიბოს სკრინინგს 25-60 წლის ჩათვლით ასაკის ქალებში, პროსტატის კიბოს მართვას 50-70 წლის ასაკის ჩათვლით მამაკაცებში, კოლორექტული კიბოს სკრინინგს 50-70 წლის ასაკის ჩათვლით ორივე სქესისათვის, ფარისებრი ჯირკვლის კიბოს მართვას 25-70 წლის ასაკის ჩათვლით განმახორციელებლის მიერ დამტკიცებული კრიტერიუმების მიხედვით შესაბამისი რისკის მქონე ქალებში.

ქვეპროგრამით გათვალისწინებული მომსახურებით მოსარგებლედ პირის ჩართვის კრიტერიუმების მიხედვით, ქვეპროგრამით გათვალისწინებულის მომსახურების მოსარგებლეები არიან საქართველოს მოქალაქეები, რომელთაც სსიპ – სახელმწიფო სერვისების განვითარების სააგენტოს ბაზაში რეგისტრაციის ადგილად უფიქსირდებათ ქალაქი თბილისი. ხოლო ფარისებრი ჯირკვლის კიბოს მართვის ნაწილში გათვალისწინებული მომსახურების მოსარგებლეები არიან ქალაქ თბილისის მუნიციპალიტეტში რეგისტრირებული საქართველოს მოქალაქეები (მ.შ. იძულებით გადაადგილებული პირის სტატუსის მქონე პირები, რომლებსაც დევნილის სტატუსის დამადასტურებელი დოკუმენტის მიხედვით რეგისტრირებულ მისამართად უფიქსირდებათ – ქალაქი თბილისი).


წესი განსაზღვრავს, ქვეპროგრამის განხორციელების მექანიზმსა და ქვეპროგრამით გათვალისწინებული მომსახურებების მიმწოდებლის (შემდგომში - მიმწოდებელი) სტატუსის შეწყვეტის საფუძვლებს. ქვეპროგრამით გათვალისწინებული კომპონენტების განმახორციელებლად შესაძლებელია დარეგისტრირდნენ მიმწოდებლები, რომლებიც აკმაყოფილებენ ამავე წესით გათვალისწინებულ კრიტერიუმებს, ხოლო ფარისებრი ჯირკვლის კიბოს მართვის გათვალისწინებული მომსახურების განმახორციელებლად რეგისტრაცია შეუძლიათ მხოლოდ 2025 წლის 31 დეკემბრის ჩათვლით მიმწოდებლად რეგისტრირებულ დაწესებულებებს, რომელიც აკმაყოფილებს ამავე წესით დადგენილ მიმწოდებლად რეგისტრაციის პირობებს.

ცვლილება შედის ცხრილი N1-ით გათვალისწინებული მომსახურების „2.3 საშვილოსნოს ყელის კიბოს სკრინინგი – საშვილოსნოს ყელის დათვალიერება, HPV- ტესტის ჩასატარებლად ნაცხის აღება“ ღირებულებაში, კერძოდ, ერთეულის ღირებულება, ნაცვლად 10 ლარისა განისაზღვრება - 13 ლარით.

გარდა ამისა, ბუბუს, საშვილოსნოს ყელისა და კოლორექტული კიბოს სკრინინგის კომპონენტებით განსაზღვრული მომსახურების მიმწოდებელი, იმ კომპონენტების ფარგლებში, რომელთა მომსახურებასაც ახორციელებს, ვალდებულია ყოველთვიურად მომსახურება გაუწიოს ჯამურად არანაკლებ 50 (ორმოცდაათი) მოსარგებლეს, ხოლო ფარისებრი ჯირკვლის კიბოს მართვის პილოტით განსაზღვრული მომსახურების მიმწოდებელი ვალდებულია ყოველთვიურად მომსახურება გაუწიოს არაუმეტეს 150 (ას ორმოცდაათი) მოსარგებლეს, გარდა საქმიანობის შემოწმებული დაწესებულებისა, რომელიც თავის მხრივ უზრუნველყოფს ქვეპროგრამის მიმწოდებლის/მისი კონტრაქტორის ან/და ფილიალის ან/და მობილური გუნდის მიერ ქვეპროგრამის ფარგლებში განხორციელებული საქმიანობის შემოწმებას. შემოწმების განხორციელების ფორმა და მექანიზმი განისაზღვრება ქვეპროგრამის განმახორციელებელთან შეთანხმებით. ქალაქ თბილისის მუნიციპალიტეტის ა(ა)იპ „ეროვნული სკრინინგ ცენტრი“ (ს/კ 202442730) ყოველთვიურად წარუდგენს ქვეპროგრამის განმახორციელებელს შემოწმების შედეგებს.

მიმწოდებელი ვალდებულია, ქვეპროგრამის განმახორციელებელს ყოველთვიურად, არაუგვიანეს საანგარიშგებო თვის მომდევნო თვის 10 რიცხვისა, წარუდგინოს საანგარიშგებო დოკუმენტაცია. ანგარიშგებისას მიმწოდებლის მიერ წარდგენილი უნდა იყოს ქვეპროგრამის განმახორციელებლის მიერ დადგენილი ფორმის რეესტრი და ხარჯის დამადასტურებელი დოკუმენტი.

წესის გარდამავალი დებულების თანახმად, 2025 წელს შესრულებული სამუშაო, რომელიც წარმოდგენილი იქნება 2026 წელს, ანაზღაურდება 2025 წელს მოქმედი წესის შესაბამისად, ქვეპროგრამის



ასიგნებების ფარგლებში, ხოლო დანარჩენ ნაწილში 2025 წელს მოქმედი წესი, გაგრძელდება იმავე სახით 2026 წელსაც.

„გადამდებ და არაგადამდებ დაავადებათა ეპიდემიოლოგიური კონტროლის ქვეპროგრამის განხორციელების წესი“ (შემდგომში - წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „გადამდებ და არაგადამდებ დაავადებათა ეპიდემიოლოგიური კონტროლის (კოდი: 06 01 03)“ (შემდგომში - ქვეპროგრამა) განხორციელების პირობებსა და პროცედურებს. ქვეპროგრამის მოსარგებლეები არიან საქართველოს მოქალაქეები, ასევე საქართველოს მოქალაქეობის არმქონე პირები. ქვეპროგრამის განმახორციელებელია ქალაქ თბილისის მუნიციპალიტეტის მიერ დაფუძნებული ა(ა)იპ „თბილისის გადამდებ დაავადებათა ეპიდზედამხედველობისა და კონტროლის მუნიციპალური ცენტრი“ და ფინანსდება ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „გადამდებ და არაგადამდებ დაავადებათა ეპიდემიოლოგიური კონტროლი (კოდი: 06 01 03)“ ასიგნებების ფარგლებში.

ქვეპროგრამით გათვალისწინებულ მომსახურებას განეკუთვნება: ქალაქ თბილისის მუნიციპალიტეტის ტერიტორიაზე გადამდებ დაავადებათა აქტიური და პასიური ეპიდზედამხედველობის განხორციელება, დაავადებების გავრცელების პრევენციის მიზნით დერატიზაციის, დეზინსექციისა და დეზინფექციის ღონისძიებათა ორგანიზება, მოსახლეობის იმუნოპროფილაქტიკური ღონისძიებების ხელშეწყობა და მონიტორინგი, ცხოველთა მიერ დაზარალებული მოსახლეობის ეპიდზედამხედველობა, ანტირაბიული სამედიცინო დახმარების მიწოდების ხელშეწყობა, სამედიცინო მომსახურების მიმწოდებლისათვის ნოზოკომიური ინფექციების პრევენციის და კონტროლისათვის რეკომენდაციების მიწოდება, გადამდებ დაავადებათა პრევენცია, დაავადებათა ზედამხედველობის ელექტრონული ინტეგრირებული სისტემის გამართული მუშაობის უზრუნველყოფა, ეპიდემიოლოგიური მონაცემების რეგულარული შეფასება, მონაცემთა ანალიზი, ცხოვრების ჯანსაღი წესის და უნარ-ჩვევების დამკვიდრების, მავნე ჩვევათა კორექციის და ჯანმრთელობის ხელშეწყობის მიზნით საინფორმაციო საშუალებებით და სპეციფიკური ღონისძიებებით საინფორმაციო კამპანიების, ქალაქ თბილისის მუნიციპალიტეტის სააღმზრდელო დაწესებულებებში ორგანიზება და წარმართვა, საზოგადოებრივი მნიშვნელობის დაწესებულებებში ესთეტიკური და კოსმეტიკური პროცედურების წარმოებისას ინფექციების პრევენციისა და კონტროლის ზედამხედველობა.

ქვეპროგრამის განმახორციელებელი ვალდებულია, სამსახურს ყოველთვიურად, არაუგვიანეს საანგარიშო თვის მომდევნო თვის 10 რიცხვისა, წარუდგინოს ანგარიში შესრულებული სამუშაოს შესახებ. გარდა ამისა, სამსახურს წარედგინება სამსახურის მიერ დამტკიცებული ფორმის შემთხვევათა რეესტრი და მუნიციპალური ბიუჯეტის ფარგლებში დახარჯული/დასახარჯი თანხების შესახებ ინფორმაციას (ანგარიში).

2025 წელს მოქმედი წესი, გაგრძელდება იმავე სახით 2026 წელსაც.

„აუტიზმის სპექტრის დარღვევის მქონე ბავშვთა რეაბილიტაციის ქვეპროგრამის განხორციელების წესი“, (შემდგომში - წესი) რომელიც განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „აუტიზმის სპექტრის დარღვევის მქონე ბავშვთა რეაბილიტაცია (კოდი: 06 01 06)“ (შემდგომში - ქვეპროგრამა) განხორციელების პირობებსა და პროცედურებს. ქვეპროგრამის მოსარგებლეები არიან დაავადებათა საერთაშორისო კლასიფიკატორის (ICD-10) მიხედვით განვითარების ზოგადი აშლილობების ჯგუფის (F84.0; F84.9) დიაგნოზის მქონე 2-დან 17 წლის ასაკის ჩათვლით საქართველოს მოქალაქეები, ქვეპროგრამაში ჩართვის მიზნით, ქალაქ თბილისის მუნიციპალიტეტის მერიისათვის განცხადებით მიმართვამდე ბოლო 3 წლის (2 წლის ასაკის ბავშვის შემთხვევაში - ბოლო 2 წლის) განმავლობაში უწყვეტად და ამავდროულად ქვეპროგრამაში ჩართვის მომენტისათვის ქალაქ



თბილისის მუნიციპალიტეტში იყვნენ რეგისტრირებული, ასევე პირები, რომლებსაც ამ პერიოდის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია, თუ ამგვარი შეწყვეტის შედეგად პირი არ დარეგისტრირებულა სხვა მუნიციპალიტეტში, ასევე იძულებით გადაადგილებული პირის სტატუსის მქონე პირები, რომლებსაც დევნილის სტატუსის დამადასტურებელი დოკუმენტის მიხედვით, რეგისტრაციის მისამართად უფიქსირდებოდა ქალაქი თბილისი და აკმაყოფილებენ ამ პუნქტით გათვალისწინებულ მოთხოვნებს. ასევე, ქვეპროგრამაში ჩართვის მიზნით, შესაბამისი დაწესებულებისათვის განცხადებით მიმართვის დროს რეგისტრირებული იყვნენ ქალაქ თბილისის მუნიციპალიტეტში და განცხადებით მომართვამდე პერიოდში არ ყოფილან რეგისტრირებული საქართველოს სხვა მუნიციპალიტეტში. წესის მიხედვით, მშობელს უფლება აქვს თავად აირჩიოს სეანსების მიწოდება ინდივიდუალური განვითარების გეგმის შესაბამისად ან ბაზისური მომსახურება (სტანდარტიზებული სეანსების რაოდენობის გათვალისწინებით). ქვეპროგრამის მოსარგებლისათვის სეანსების მიწოდება, ინდივიდუალური განვითარების გეგმის შესაბამისად, მიწოდებისას თითოეული სეანსის ხანგრძლივობა შეადგენს არანაკლებ 1 საათს. სეანსების რაოდენობა და ბავშვის თერაპიის სახე, ყოველთვიურად უნდა თანხმდებოდეს მშობელთან/კანონიერ წარმომადგენელთან, რომლის დამადასტურებელი დოკუმენტი უნდა ინახებოდეს მომსახურების მიმწოდებელ დაწესებულებაში.


წესის მე-2 მუხლის მე-5 პუნქტის სახით ჩნდება ასევე ახალი ჩანაწერი ქვეპროგრამით მოსარგებლეთა მშობლებთან დაკავშირებით. კერძოდ, ამიერიდან მომსახურების მიმწოდებელი დაწესებულება თავად შეაფასებს მშობელთა ჩართულობის საჭიროებასა და ინტენსივობას სეანსების მიმდინარეობის პროცესში. ვინაიდან გამოცდილება აჩვენებს, რომ მშობლის ჩართულობა სეანსების მიმდინარეობის პროცესში მნიშვნელოვან როლს ასრულებს ბენეფიციართა ქვეპროგრამის შემდგომი ცხოვრების ხარისხის გაუმჯობესების თვალსაზრისით. კერძოდ, დღის იმ ნაწილში, რომელსაც ზოგიერთი ბავშვი/მოზარდი მიმწოდებელ დაწესებულებაში არ ატარებს, მას ასევე ესაჭიროება კვალიფიციური პირის ხელშეწყობა ყოველდღიური ცხოვრების ხარისხის გაუმჯობესებაში. შესაბამისად, თუკი მშობელი დაესწრება სეანსებს და ისიც მიიღებს მიმწოდებელი დაწესებულების უფლებამოსილი პირის მიერ გაზიარებულ ცოდნას, ეს მნიშვნელოვნად წაადგება ბენეფიციარის მდგომარეობას. სწორედ ამიტომ, მიმწოდებელ დაწესებულებებს მიეცათ შესაძლებლობა, თავად შეაფასონ მშობელთა ჩართულობის საჭიროება და ინტენსივობა სეანსების მიმდინარეობის პროცესში, რაც საბოლოოდ დადებითად აისახება ბენეფიციართა მდგომარეობაზე, როგორც 18 წლის ასაკის ბენეფიციარებში, ასევე ამ ასაკის შემდგომაც, როდესაც შეწყვეტენ ზემოაღნიშნული ქვეპროგრამით სარგებლობას.

წესის მე-5 მუხლი ადგენს ქვეპროგრამაში მოსარგებლეთა ჩართვისა და ვაუჩერის გაუქმების პირობებს, ასევე დეტალურად განსაზღვრავს მიმწოდებელ დაწესებულებაში ვაკანტური ადგილის გაჩენისას პირის მიღების პროცედურას.

ქვეპროგრამაში ახალი დაწესებულების ჩართვისას (რეგისტრაციისას), ქვეპროგრამით გათვალისწინებული ლიმიტის ფარგლებში, ბენეფიციართა ჩართვის კუთხით, უპირატესობა მიენიჭება ქვეპროგრამის მიმწოდებელ იმ დაწესებულებებს, რომლებმაც უკვე მიმართეს ქვეპროგრამის განმახორციელებელს განცხადებით ბენეფიციარების დამატების შესახებ.

გარდა ზემოაღნიშნული ახალი ჩანაწერისა, მშობელთა ჩართულობის შესახებ, 2025 წელს მოქმედი წესი, გაგრძელდება იმავე სახით 2026 წელსაც.

„ტრანსპლანტაციის ქვეპროგრამის განხორციელების წესი“ (შემდგომში - წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „ტრანსპლანტაცია“ (კოდი: 06 01 13) (შემდგომში - ქვეპროგრამა) განხორციელების პირობებსა და პროცედურებს. ქვეპროგრამის მოსარგებლები არიან წლის განმავლობაში უწყვეტად და ამავედროულად ქვეპროგრამაში ჩართვის



მომენტისათვის ქალაქ თბილისის მუნიციპალიტეტში რეგისტრირებული საქართველოს მოქალაქეები, ასევე, ის პირები, რომლებსაც ამ ერთი წლის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია, თუ ამგვარი შეწყვეტის შედეგად პირი არ დარეგისტრირებულა სხვა მუნიციპალიტეტში, ასევე იძულებით გადაადგილებული პირის სტატუსის მქონე პირები, რომლებსაც დევნილის სტატუსის დამადასტურებელი დოკუმენტის მიხედვით, რეგისტრაციის მისამართად უფიქსირდებათ ქალაქი თბილისი და აკმაყოფილებენ ამ პუნქტით გათვალისწინებულ მოთხოვნებს. ზემოაღნიშნული პირები უნდა იყვნენ საქართველოს მოქალაქეები, რომლებიც ქვეპროგრამაში ჩართვის მიზნით, მერიისთვის განცხადებით მიმართვის დროს რეგისტრირებული იყვნენ ქალაქ თბილისის მუნიციპალიტეტში და განცხადებით მომართვამდე პერიოდში არ ყოფილან რეგისტრირებული საქართველოს სხვა მუნიციპალიტეტში.

ქვეპროგრამის მოსარგებლეების სიიდან ამოღებულ იქნენ ღეროვანი უჯრედების დონორთა რეესტრის შექმნის მიზნით, მოხალისედ დარეგისტრირებული, პოტენციური დონორები, რომლებიც მერიისთვის განცხადებით მომართვამდე რეგისტრირებულნი იყვნენ ქალაქ თბილისის მუნიციპალიტეტის ტერიტორიაზე, ვინაიდან, ჩანაწერის მიზანი, რაც გახლდათ ქვეყანაში ღეროვანი უჯრედების დონორთა, 500 მოხალისესაგან შემდგარი, რეესტრის შექმნა, მსოფლიო დონორთა ბანკში ჩართვისთვის, მიღწეულ იქნა. შესაბამისად წესიდან ამოღებულ იქნა ყველა ჩანაწერი რომელიც დაკავშირებული იყო დონორთა რეესტრის შექმნასა და მის დაფინანსებასთან.

ძვლის ტვინის ტრანსპლანტაციის საჭიროების მქონე, ქალაქ თბილისის მუნიციპალიტეტში რეგისტრირებული საქართველოს მოქალაქეებისათვის, რომლებსაც აქვთ მწვავე ლეიკემია, მწვავე ლიმფოიდური ლეიკემია, მწვავე მიელოიდური ლეიკემია, ქრონიკული მიელოიდური ლეიკემია, იუვენური მიელომონოციტარული ლეიკემია, არაჰოჯკინის ლიმფომა, ჰოჯკინის ლიმფომა, მიელოდისპლაზიური სინდრომი, აპლაზიური ანემია, ჰისტოციტოზი, თალასემია, მრავლობითი მიელომა ხორციელდება ისეთი მომსახურებების დაფინანსება, როგორიცაა ძვლის ტვინის ტრანსპლანტაციის წინა კვლევები, მაღალდოზირებული ქიმიოთერაპია და ტრანსპლანტაცია (აუტოლოგიური ტრანსპლანტაცია, ალოგენური ტრანსპლანტაცია, ჰაპლოიდიტური ტრანსპლანტაცია), მათ შორის, პოსტტრანსპლანტაციური პერიოდის მართვა. აღნიშნულ მომსახურებას მიიღებენ ახლა უკვე საქართველოს ის მოქალაქეები, რომლებსაც დაუდგინდათ შემდგომი დიაგნოზები: სემინომა, ნეირობლასტომა, იუნგის სარკომა, რაბდომიოსარკომა, ეპინდიმომა, რეტინობლასტომა, ვილმის სიმსივნე და აკმაყოფილებენ ქვეპროგრამაში ჩართვისთვის აუცილებელ კრიტერიუმებს. ვინაიდან, კვლევებმა აჩვენა რომ სოლიდური სიმსივნეების დროს (სემინომა, ნეირობლასტომა, იუნგის სარკომა, რაბდომიოსარკომა, ეპინდიმომა, რეტინობლასტომა, ვილმის სიმსივნე) ძვლის ტვინის ტრანსპლანტაცია ეფექტურ მკურნალობის მეთოდს წარმოადგენს და ზოგიერთ შემთხვევაში მკვეთრად აუმჯობესებს პაციენტის მდგომარეობას.

ამასთან, აუტოლოგიური ტრანსპლანტაცია ფინანსდება მხოლოდ საქართველოს ფარგლებს შიგნით მიმწოდებლად რეგისტრირებული დაწესებულებაში, გარდა იმ შემთხვევისა, როდესაც წარმოდგენილია ქვეპროგრამაში ჩართული მიმწოდებლების წარმომადგენელთაგან დაკომპლექტებული კონსილიუმის დასკვნა, რომლის მიხედვითაც დასტურდება მომსახურების საქართველოს ფარგლებს გარეთ რეგისტრირებულ სამედიცინო დაწესებულებაში გაწევის აუცილებლობა. ასევე, ღვიძლის ტრანსპლანტაციის საჭიროების მქონე, ქალაქ თბილისის მუნიციპალიტეტში რეგისტრირებული საქართველოს მოქალაქეებისათვის ღვიძლის ტრანსპლანტაციის დაფინანსება საქართველოში.

წესის მე-4 მუხლის თანახმად, ძვლის ტვინის ტრანსპლანტაციის კომპონენტით გათვალისწინებული მომსახურების მიმწოდებელი საქართველოს ფარგლებს გარეთ არის პირი, საიდანაც მოსარგებლე ქვეპროგრამის განმახორციელებელს წარმოუდგენს მომსახურების დაფინანსებისათვის ანგარიშ-ფაქტურას. ხოლო საქართველოს ფარგლებს შიგნით - პირი (შემდგომში - მიმწოდებელი),



რომელიც აკმაყოფილებს ამ წესით განსაზღვრულ მოთხოვნებს, ქვეპროგრამის განმახორციელებლის მიერ დამტკიცებულ სარეგისტრაციო განაცხადით ეთანხმება ვაუჩერის პირობებს, გამოთქვამს ქვეპროგრამის ფარგლებში მონაწილეობის სურვილს და წერილობით, დადგენილი წესით დაუდასტურებს ქვეპროგრამის განმახორციელებელს ქვეპროგრამაში მონაწილეობის სურვილს და საიდანაც მოსარგებლე ქვეპროგრამის განმახორციელებელს წარმოუდგენს მომსახურების დაფინანსებისათვის ანგარიშ-ფაქტურას, ხოლო ღვიძლის ტრანსპლანტაციის კომპონენტით გათვალისწინებული მომსახურების მიმწოდებელია პირი (შემდგომში – მიმწოდებელი), რომელიც აკმაყოფილებს ამ წესით განსაზღვრულ მოთხოვნებს, ქვეპროგრამის განმახორციელებლის მიერ დამტკიცებულ სარეგისტრაციო განაცხადით ეთანხმება ვაუჩერის პირობებს, გამოთქვამს ქვეპროგრამის ფარგლებში მონაწილეობის სურვილს და წერილობით, დადგენილი წესით დაუდასტურებს ქვეპროგრამის განმახორციელებელს ქვეპროგრამაში მონაწილეობის სურვილს და საიდანაც მოსარგებლე ქვეპროგრამის განმახორციელებელს წარმოუდგენს მომსახურების დაფინანსებისათვის ანგარიშ-ფაქტურას.

წარმოდგენილი წესით დგინდება, რომ ქვეპროგრამით განსაზღვრული მომსახურების მიმწოდებლად რეგისტრაციის საკუთარი სურვილით გაუქმების შემთხვევაში, დაწესებულება ვალდებულია აცნობოს განმახორციელებელს აღნიშნულის თაობაზე 2 (ორი) თვით ადრე.

წესის მე-8 მუხლი მიმწოდებელს უდგენს დამატებით პირობებს, რომლის თანახმადაც ძვლის ტვინის ტრანსპლანტაციის კომპონენტის საქართველოში გაწევის შემთხვევაში მიმწოდებელი ვალდებულია აკმაყოფილებდეს აღნიშნული სერვისის განხორციელებისათვის საქართველოს მოქმედი კანონმდებლობით გათვალისწინებულ მოთხოვნებს, ჩატარებული ჰქონდეს წესის მე-3 მუხლის პირველი პუნქტის „ა“ ქვეპუნქტით გათვალისწინებული სრული სერვისის სულ მცირე ერთხელ და უზრუნველყოს მომსახურების განხორციელება არაუმეტეს ამ წესის განსაზღვრული ტარიფისა, ხოლო, ღვიძლის ტრანსპლანტაციის კომპონენტით გათვალისწინებული მომსახურების მიმწოდებელი ვალდებულია აკმაყოფილებდეს შემდეგ კრიტერიუმებს: უზრუნველყოს მომსახურების განხორციელება არაუმეტეს ამ წესით განსაზღვრული ტარიფისა, უზრუნველყოს მომსახურების განხორციელება სპეციალისტის მეშვეობით, რომელსაც წარმატებით აქვს ჩატარებული აღნიშნული მომსახურება საქართველოში მინიმუმ 5-ჯერ.

2025 წელს შესრულებული სამუშაო, რომელიც წარმოდგენილი იქნება 2026 წელს ანაზღაურდეს 2025 წელს მოქმედი წესის შესაბამისად, ქვეპროგრამის ასიგნებების ფარგლებში. 2025 წელს დაწყებული შემთხვევები, რომელიც გაგრძელდება 2026 წელს, ანაზღაურდეს 2025 წელს მოქმედი წესის შესაბამისად, ქვეპროგრამის ასიგნებების ფარგლებში. ამ წესის მე-3 მუხლით გათვალისწინებული მომსახურების დაფინანსების მისაღებად 2025 წლის 31 დეკემბრის მდგომარეობით წარმოდგენილი დოკუმენტაცია განიხილება ამ დადგენილების ამოქმედებამდე, მოქმედი წესის მიხედვით.

„ძუძუს კიბოს სამკურნალო მედიკამენტების დაფინანსების ქვეპროგრამის განხორციელების წესი“ (შემდგომში – წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „ძუძუს კიბოს სამკურნალო მედიკამენტების დაფინანსება (კოდი: 06 01 07)“ (შემდგომში – ქვეპროგრამა) განხორციელების პირობებსა და პროცედურებს. ქვეპროგრამის მოსარგებლეები არიან HER-2 დადებითი ძუძუს კიბოს ადგილობრივად გავრცელებული (I-III სტადია) ფორმის ან HER-2 დადებითი ძუძუს მეტასტაზური კიბოს დიაგნოზის მქონე საქართველოს მოქალაქეები, რომლებიც არიან ქალაქ თბილისის მუნიციპალიტეტის მერიისათვის განცხადებით მიმართვამდე ბოლო 2 წლის განმავლობაში უწყვეტად და ამავდროულად, ქვეპროგრამაში ჩართვის მომენტისათვის ქალაქ თბილისის მუნიციპალიტეტში რეგისტრირებულნი, მათ შორის, ისეთი პირები, რომლებსაც ამ 2 წლის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია, თუ ამგვარი შეწყვეტის შედეგად პირი არ დარეგისტრირებულა სხვა მუნიციპალიტეტში. ასევე, იძულებით შეწყვეტის შედეგად პირი არ დარეგისტრირებულა სხვა მუნიციპალიტეტში. ასევე, იძულებით გადაადგილებული პირის სტატუსის მქონე პირები, რომლებსაც დევნილის სტატუსის დამადასტურებელი



დოკუმენტის მიხედვით, რეგისტრაციის მისამართად უფიქსირდებათ ქალაქი თბილისი და აკმაყოფილებენ ამ პუნქტის მოთხოვნებს.

ქვეპროგრამით გათვალისწინებული მომსახურება მოიცავს ამ წესით დადგენილი ტარიფების ფარგლებში შემდეგი მედიკამენტების დაფინანსების უზრუნველყოფას: HER-2 დადებითი ადგილობრივად გავრცელებული (I-III სტადია) ძუძუს კიბოს დიაგნოზის ან რადიკალური ოპერაციის შემდგომ განვითარებული რეციდივის შემთხვევაში - ტრასტუზუმაბი; სიმსივნური კვანძის >2სმ-ზე ან/და ჰორმონურაყოფითი (ER/PR-negative) ან/და დადებითი ნოდალური სტატუსის (N+) შემთხვევაში პერტუზუმაბი+ტრასტუზუმაბი ან ფესგო; HER-2 დადებითი მეტასტაზური ძუძუს კიბოს დიაგნოზის შემთხვევაში - ტრასტუზუმაბი ან პერტუზუმაბი+ტრასტუზუმაბი ან ფესგო; HER-2 დადებითი მეტასტაზური ძუძუს კიბოს დიაგნოზის შემთხვევაში - ლაპატინიბი.

ქვეპროგრამით გათვალისწინებულ მოსარგებლებს, მიუხედავად მათი სოციალური სტატუსისა, მედიკამენტი უფინანსდებათ სრულად, ამ წესის მე-9 მუხლის პირველი პუნქტის „გ“ „დ“ „ე“ და „ვ“ ქვეპუნქტებით დადგენილი ტარიფების გათვალისწინებით.

ასევე დგინდება, რომ 2025 წელს მომსახურების მიმწოდებლად რეგისტრირებული დაწესებულებისათვის აღნიშნული სტატუსი ავტომატურად გრძელდება 2026 წელს, გარდა მიმწოდებლის შერჩევის კრიტერიუმებში არსებითი ცვლილებების შეტანის შემთხვევებისა. 2025 წელს შესრულებული სამუშაო, რომელიც წარმოდგენილი იქნება 2026 წელს ანაზღაურდება 2025 წელს მოქმედი წესის შესაბამისად, ქვეპროგრამის ასიგნებების ფარგლებში.

ქვეპროგრამით გათვალისწინებული მომსახურების მიმწოდებელი უნდა აკმაყოფილებდეს შემდეგ კრიტერიუმებს: ჰქონდეს ფარმაცევტულ ბაზარზე მუშაობის სულ მცირე 5 - წლიანი გამოცდილება, ასევე ვალდებულია უზრუნველყოს „ტრასტუზუმაბი“ (დოზა - 440მგ/ფლაკონი + 20 მლ გამხსნელი (საინექციო წყალი, ინტრავენური ფორმა) მინის ფლაკონი №1 ან/და 600მგ/5მლ კანქვეშ შესაყვანი საინექციო ხსნარი ფლაკონი №1 (5მლ) ქვეპროგრამის ფარგლებში არაუმეტეს 1375 ლარის ტარიფით მიწოდება. ასევე, წესის მე-

2

მუხლის პირველი პუნქტის „ა“ და „ბ“ ქვეპუნქტებით გათვალისწინებული მედიკამენტების „პერტუზუმაბი+ტრასტუზუმაბი“ (დოზა - 420მგ+14მლ) კონცენტრატი+440მგ/ფლაკონი+20მლ გამხსნელი ი.ვ. საინფუზიო ხსნარის მოსამზადებლად ფლაკონი №1 ან დოზა - 420მგ+14მლ კონცენტრატი+600მგ/5მლ კანქვეშ შესაყვანი საინექციო ხსნარი ფლაკონი №1 (5მლ) კომბინაციის შემთხვევაში, 1 ფლაკონი „პერტუზუმაბისა“ და მოსარგებლის საჭიროებიდან გამომდინარე „ტრასტუზუმაბის“ შესაბამისი რაოდენობის ფლაკონების ქვეპროგრამის ფარგლებში არაუმეტეს 3690 ლარის ტარიფით მიწოდება. წესის მე-9 მუხლის პირველი პუნქტის „ე“ ქვეპუნქტის მიხედვით უზრუნველყოს მედიკამენტი „ფესგოს“ (დოზა - (600მგ+600მგ+20,000 ერთეული)/10მლ კანქვეშ შესაყვანი საინექციო ხსნარი ფლაკონი №1 (10მლ) 3690 ლარის ტარიფით, ხოლო იგივე მედიკამენტის (1200მგ+600მგ+30,000 ერთეული)/15მლ კანქვეშ შესაყვანი საინექციო ხსნარი ფლაკონი №1 (15მლ) ქვეპროგრამის ფარგლებში არაუმეტეს 7380 ლარის ტარიფით მიწოდება. 2025 წელს მოქმედი წესი, გაგრძელდება იგივე სახით 2026 წელსაც.

„ფსიქიკური ჯანმრთელობის სათემო მომსახურების ქვეპროგრამის განხორციელების წესი“ განსაზღვრავს (შემდგომში - წესი) ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „ფსიქიკური ჯანმრთელობის სათემო მომსახურება (კოდი: 06 01 08)“ (შემდგომში - ქვეპროგრამა) განხორციელების პირობებსა და პროცედურებს. ქვეპროგრამა მოიცავს შემდეგ კომპონენტებს: მულტისისტემური ინტერვენცია ბავშვებსა და მოზარდებში, რომელიც ითვალისწინებს ფსიქიკური და ქცევითი აშლილობის მქონე პირების უწყვეტ მეთვალყურეობასა და მეურნეობის პროცესს სპეციალიზებული მულტისისტემური ინტერვენციის მულტიდისციპლინური გუნდის მიერ, აქტიური (ასერტული) ფსიქიატრიული მკურნალობა. პირველი კომპონენტით გათვალისწინებული მომსახურების მოსარგებლეა დაავადებათა საერთაშორისო კლასიფიკატორის (ICD-10) ფსიქიკური და ქცევითი



აშლილობების (F06; F20- F25; F31-F33; F40-F45; F90-F95; F98) ჯგუფის დიაგნოზის მქონე 5-17 წლის ასაკის ჩათვლით ქალაქ თბილისის მუნიციპალიტეტში რეგისტრირებული საქართველოს მოქალაქე, ასევე, საქართველოს მოქალაქე იძულებით გადაადგილებული პირი, რომლებსაც დევნილის სტატუსის დამადასტურებელი დოკუმენტის მიხედვით რეგისტრირებულ მისამართად უფიქსირდებათ - ქალაქი თბილისი, ხოლო მეორე კომპონენტით - დაავადებათა საერთაშორისო კლასიფიკატორის (ICD-10) ფსიქიკური და ქცევითი აშლილობების (F06.0; F06.2; F20-F21; F25; F31; F33) ჯგუფის დიაგნოზის მქონე 18 წლის ასაკის ზემოთ ქალაქ თბილისის მუნიციპალიტეტში რეგისტრირებული საქართველოს მოქალაქე, ასევე, საქართველოს მოქალაქე იძულებით გადაადგილებული პირი, რომლებსაც დევნილის სტატუსის დამადასტურებელი დოკუმენტის მიხედვით რეგისტრირებულ მისამართად უფიქსირდებათ - ქალაქი თბილისი.

მცირედ დაკორექტირდა წესის მე-2 მუხლის „ი“ ქვეპუნქტი, რომელში მითითებული ტერმინი „ფსიქიკური დაავადება“ ჩანაცვლდა ტერმინით „ფსიქიკური აშლილობა“, ვინაიდან საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის წერილის მიხედვით, მსგავსი ტერმინები ამოღებულ უნდა იქნეს მუნიციპალიტეტების მიერ გამოცემული ნორმატიული აქტებიდან, რათა ისინი შესაბამისობაში მოდიოდეს გაეროს შეზღუდული შესაძლებლობების მქონე პირთა უფლებების კონვენციის მიერ დადგენილ სტანდარტებთან.

წესის თანახმად, ქვეპროგრამით გათვალისწინებული მომსახურების მიმწოდებელს უნდა გააჩნდეს ქვეპროგრამით განსაზღვრული ყველა მომსახურების განხორციელების, სულ მცირე, ორწლიანი გამოცდილება და გარდა ამისა უნდა აკმაყოფილებდეს წესით გათვალისწინებულ კრიტერიუმებს, ხოლო ქვეპროგრამის განმახორციელებლის მიერ მიმწოდებლისათვის დადგენილი პირობების შეუსრულებლობის გამოვლენის შემთხვევაში, მიმწოდებელს ეკრძალება ქვეპროგრამაში ჩართვა, დადგენილი პირობების უხეში დარღვევის გამოვლენის შესახებ შესაბამისი დასკვნიდან 1 წლის განმავლობაში.

წესის მე-6 მუხლი მოსარგებლეების ქვეპროგრამაში ჩართვა და გასვლის საფუძვლები, პირის ქვეპროგრამაში ჩართვის ერთ-ერთ წინაპირობად მიიჩნევა 3 ან მეტი ჰოსპიტალიზაციის შემთხვევა. აღნიშნულ ნაწილში დაკორექტირდება ჰოსპიტალიზაციის შემთხვევათა რაოდენობა და ნაცვლად 3-სა, განისაზღვრება - 2 შემთხვევა. „მტკიცებულებებზე დაფუძნებული პრაქტიკის ცენტრის“ წერილის მიხედვით, ხშირად აღნიშნული კრიტერიუმი ხდება დამაბრკოლებელი გარემოება ბენეფიციართა ქვეპროგრამაში ჩართვისთვის, მაშინ, როდესაც საშტატო ერთეულების მიხედვით, ორგანიზაციას შესაძლებლობა აქვს მომსახურება გაუწიოს 150 ბენეფიციარს, ხოლო ამჟამად სერვისით სარგებლობს 118 ადამიანი. შესაბამისად, მოგვმართეს თხოვნით შეგვემსუბუქებინა ქვეპროგრამაში ჩართვისთვის აუცილებელი აღნიშნული კრიტერიუმი.

ქვეპროგრამით გათვალისწინებული მომსახურების დაფინანსება ხორციელდება არამატერიალიზებული ფორმის ვაუჩერის (შემდგომში - ვაუჩერი) მეშვეობით. მიმწოდებლის მიერ წარმოდგენილი ფაქტობრივი ხარჯის მიხედვით, მაგრამ არაუმეტეს თვეში 300 ლარისა.

გარდა ზემოაღნიშნული ცვლილებებისა, 2025 წელს მოქმედი წესი, გაგრძელდება იმავე სახით 2026 წელსაც.

„გაფანტული სკლეროზის სამკურნალო მედიკამენტების და კვლევების დაფინანსების ქვეპროგრამის განხორციელების წესი“ (შემდგომში - წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „გაფანტული სკლეროზის სამკურნალო მედიკამენტების და კვლევების დაფინანსების (კოდი: 06 01 05)“ (შემდგომში - ქვეპროგრამა) განხორციელების პირობებსა და პროცედურებს.

ქვეპროგრამის მოსარგებლეები არიან გაფანტული სკლეროზის (G35) დიაგნოზის მქონე საქართველოს მოქალაქეები, რომლებიც მაკდონალდის სადიაგნოზო კრიტერიუმების თანახმად კურცკეს



უნარშეზღუდულობის სკალით შეფასებული მდგომარეობა არის 0-დან 6 ქულის ჩათვლით და ქვეპროგრამაში ჩართვის მიზნით, ქალაქ თბილისის მუნიციპალიტეტის მერიისთვის განცხადებით მიმართვამდე ბოლო 3 წლის განმავლობაში (3 წლამდე ბავშვის შემთხვევაში – დაბადებიდან) უწყვეტად და ამავედროულად ქვეპროგრამაში ჩართვის მომენტისათვის ქალაქ თბილისის მუნიციპალიტეტში რეგისტრირებული საქართველოს მოქალაქეები, ასევე, ისეთი პირები, რომლებსაც ამ 3 წლის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია, თუ ამგვარი შეწყვეტის შედეგად პირი არ დარეგისტრირებულა სხვა მუნიციპალიტეტში. ასევე, იძულებით გადაადგილებული პირის სტატუსის მქონე პირები, რომლებსაც დევნილის სტატუსის დამადასტურებელი დოკუმენტის მიხედვით, რეგისტრაციის მისამართად უფიქსირდებათ ქალაქი თბილისი და აკმაყოფილებენ ამ პუნქტის მოთხოვნებს.

ქვეპროგრამით გათვალისწინებული კვლევების მოსარგებლები არიან პირები, რომლებიც უკვე სარგებლობენ ამავე ქვეპროგრამის მედიკამენტების დაფინანსებით და შესაბამისად აკმაყოფილებდნენ მედიკამენტის მიღებისათვის გათვალისწინებულ კრიტერიუმებსაც. ქვეპროგრამით გათვალისწინებული მომსახურება მოიცავს „ოკრელიზუმაბი“ და „ფინგოლიმოდი“ დაფინანსებას, ამავე წესით დადგენილი ტარიფების ფარგლებში. ქვეპროგრამით გათვალისწინებული მომსახურების დაფინანსება ხორციელდება მატერიალიზებული ვაუჩერის მეშვეობით. წესში გაწერილია ის დოკუმენტაცია, რაც უნდა წარუდგინოს პირმა, ქვეპროგრამის განმახორციელებელს, იმისათვის, რომ დაუფინანსდეს ქვეპროგრამით გათვალისწინებული მედიკამენტი ან/და კვლევა.

ქვეპროგრამაში ჩართვის შემდგომ, ექიმის მიერ კურცკეს უნარშეზღუდულობის სკალით მოსარგებლის განმეორებითი შეფასებისას 6,5 და მეტი ქულის მინიჭების შემთხვევაში, შესაბამისი პროფილის სხვადასხვა კლინიკის არანაკლებ 3 ლიცენზირებული ექიმისგან შემდგარი კონსილიუმი წყვეტს ქვეპროგრამის ფარგლებში მოსარგებლის სტატუსის გაგრძელების/შეწყვეტის საკითხს. ქვეპროგრამით მოსარგებლე პირს მოსარგებლის სტატუსი შეუწყდება, თუ ზედიზედ 18 თვის მანძილზე არ იღებს ქვეპროგრამით გათვალისწინებულ მედიკამენტებს.

წესით, მედიკამენტის მიმწოდებლისათვის დადგენილია დამატებითი პირობებიც, რომელთა მიხედვითაც, მას უნდა ჰქონდეს ფარმაცევტულ ბაზარზე მუშაობის სულ მცირე 5-წლიანი გამოცდილება, იყოს ქალაქ თბილისში არანაკლებ 5 ფილიალის მქონე სააფთიაქო ქსელის მფლობელი, მედიკამენტების „ოკრელიზუმაბი“ (1 ფლაკონი) – მიაწოდეს არაუმეტეს 5300 ლარის, „ფინგოლიმოდი“ კი (1 კოლოფი/28 კაფსულა) – არაუმეტეს 1846 ლარის ტარიფით. უზრუნველყოფილი ჰქონდეს მედიკამენტის მარაგი სულ მცირე სააფთიაქო ქსელის 5 ფილიალში, პაციენტებს აწოდებდეს არანაკლებ 60%-იანი ვარგისიანობის ვადის მქონე მედიკამენტს.

ქვეპროგრამის ფარგლებში გათვალისწინებული კვლევების მიმწოდებლისათვის დადგენილია განსხვავებული დამატებითი პირობები. კერძოდ, მას უნდა გააჩნდეს კვლევის მიწოდებისთვის საჭირო შესაბამისი მატერიალურ-ტექნიკური ბაზა, ჰყავდეს კვლევის განხორციელებისთვის საჭირო, კანონმდებლობით დადგენილი წესის შესაბამისად სერტიფიცირებული სამედიცინო პერსონალი, ჰქონდეს ქვეპროგრამით გათვალისწინებული კვლევების განხორციელების სულ მცირე 1 წლიანი გამოცდილება, ქვეპროგრამით გათვალისწინებული კვლევის „თავის ტვინის მაგნიტურ რეზონანსული ტომოგრაფიის ქიმიური აგენტის დახმარებით“ მიწოდებას ახორციელებდეს არაუმეტეს 350 ლარის, ხოლო „ხერხემლის და ზურგის ტვინის მაგნიტურ რეზონანსული ტომოგრაფიის (ქიმიური აგენტის დახმარებით)“ მიწოდებას არაუმეტეს 425 ლარის ტარიფით.

გარდამავალი დებულების მიხედვით, 2025 წელს მომსახურების მიმწოდებლად რეგისტრირებული დაწესებულებისათვის აღნიშნული სტატუსი ავტომატურად გაგრძელდება 2026 წელს, გარდა ამ წესის მე-9 მუხლით დადგენილი მიმწოდებლის შერჩევის კრიტერიუმებში არსებითი ცვლილებების შეტანის შემთხვევებისა.



„სახსრების ენდოპროთეზირების დაფინანსების“ ქვეპროგრამის განხორციელების წესი“ (შემდგომში - წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „სახსრების ენდოპროთეზირების დაფინანსების“ (კოდი: 06 01 04) (შემდგომში - ქვეპროგრამა) განხორციელების პირობებსა და პროცედურებს. წესის მოქმედება არ ვრცელდება იმ დახმარებებზე, რომლებზედაც თანხები გამოიყოფა ქვეპროგრამაში, ქალაქ თბილისის მუნიციპალიტეტის ბიუჯეტის სარეზერვო ფონდიდან გადატანილი თანხების ფარგლებში.

ქვეპროგრამაში ჩართვის მიზნით, მოსარგებლემ ან მისმა კანონიერმა წარმომადგენელმა უნდა მიმართოს შესაბამის მიმწოდებელს. რაც შეეხება, დაფინანსების საკითხის განხილვისათვის საჭირო დოკუმენტაციას, აღნიშნულს მიმწოდებელი, მოდულის მეშვეობით, ელექტრონულად წარუდგენს ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურს. სამედიცინო მომსახურების მიმწოდებელი ვალდებულია მოდულის მეშვეობით ელექტრონულად წარმოადგინოს: ა) მოსარგებლის რეკვიზიტები (პირადი ნომერი, სახელი, გვარი, დაბადების თარიღი, იურიდიული მისამართი, ფაქტობრივი მისამართი, საკონტაქტო ინფორმაცია, სამუშაო ადგილი. იმულებით გადაადგილებული პირის შემთხვევაში, იმულებით გადაადგილებული პირის სტატუსის შესახებ ინფორმაცია; ბ) პირის ჯანმრთელობის მდგომარეობის შესახებ ცნობა (ფორმა №IV-100/ა), რომელიც გაცემული უნდა იყოს მოდულში დაფინანსების მოთხოვნის რეგისტრაციის თარიღამდე არაუმეტეს 3 თვით ადრე. გ) წინასწარი კალკულაცია (ინვოისი). ამასთან, მოსარგებლემ/მისმა კანონიერმა წარმომადგენელმა, მიმწოდებლის მიერ მოდულში მოთხოვნის წარდგენის შემდგომ, ქვეპროგრამის განმახორციელებელს უნდა წარუდგინოს ცნობა კერძო სადაზღვევო კომპანიიდან დაფინანსების თაობაზე (ასეთის არსებობის შემთხვევაში).

მიმწოდებლის მიერ მოდულის მეშვეობით წარმოდგენილი მოთხოვნის მიღების შემდგომ, ქვეპროგრამის განმახორციელებელი ამოწმებს წარმოდგენილი დოკუმენტაციის სისრულეს და იღებს გადაწყვეტილებას დაფინანსების გაცემის ან არ გაცემის შესახებ. ქვეპროგრამის განმახორციელებლის მიერ დაფინანსების შესახებ გადაწყვეტილების მიღების შემთხვევაში, მოსარგებლე პირი ან მისი წარმომადგენელი მოკლეტექსტური შეტყობინების სახით ავტომატურად მიიღებს მოთხოვნის უნიკალურ კოდს, რომელიც უნდა წარუდგინოს მიმწოდებელს, რათა მოხდეს გადაწყვეტილების გააქტიურება.

სახსრების ენდოპროთეზირების დაფინანსების შესახებ მიღებული გადაწყვეტილების გააქტიურება უნდა განხორციელდეს მისი გაცემიდან არაუმეტეს 60 (სამოცი) დღის ვადაში. ამასთან, სახსრების ენდოპროთეზირების დაფინანსების შესახებ მიღებული გადაწყვეტილების გააქტიურების ვადის გასვლის შემდეგ, მიღებული გადაწყვეტილება ითვლება გაუქმებულად, თუ მოთხოვნის შესწავლისას დადგინდა, რომ პირზე უკვე გაცემულია სახსრების ენდოპროთეზირებისათვის საჭირო დაფინანსება, თუმცა ამოწურულია გადაწყვეტილების გააქტიურების როგორც პირვანდელი, ასევე (მოთხოვნის შემთხვევაში) ერთჯერადად გაგრძელებული ვადა. ქვეპროგრამის განმახორციელებელი თავიდან განიხილავს მოთხოვნას და იღებს გადაწყვეტილებას, თუკი დადასტურდება, რომ არ მომხდარა დაფინანსებული თანხის გამოყენება. აღნიშნული დანაწესი ვრცელდება ისეთ შემთხვევებზეც, როდესაც მოხდა დაფინანსების შესახებ გადაწყვეტილების გააქტიურება მიმწოდებლის მიერ, თუმცა მოსარგებლეს, სამედიცინო მომსახურებით ამ მიმწოდებლისგან არ უსარგებლია.

მიმწოდებელი ვალდებულია ქვეპროგრამის განმახორციელებელს წარუდგინოს შესრულებული სამუშაოს დამადასტურებელი დოკუმენტაცია, თვის პირველიდან 11 რიცხვამდე, მომსახურების სრულად მიწოდების საანგარიშგებო თვის მომდევნო ორი თვის განმავლობაში. მომსახურების მიმწოდებელთა კონტროლი განხორციელდება სამსახურის პროგრამების მონიტორინგის განყოფილების მიერ, წინასწარ შერჩეული შემთხვევების ინსპექტირების გზით. შემთხვევის შემოწმებისას, ხორციელდება მონიტორინგის განყოფილების წარმომადგენლის ვიზიტი მიმწოდებელთან და შესრულებული სამუშაოს დამადასტურებელი დოკუმენტაციით მოწოდებული ინფორმაციის გადამოწმება, საჭიროების შემთხვევაში



მოსარგებლესთან ან/და მომსახურების/საჭიროების მიმწოდებელთან გასაუბრება. საჭიროების შემთხვევაში, კონტროლზე უფლებამოსილმა პირმა, შესაძლოა განმეორებითი ვიზიტი განახორციელოს მიმწოდებელთან. ამასთან, თუ შემოწმების შედეგად დადგინდა, რომ პირის საიდენტიფიკაციო მონაცემები და შემთხვევის შესახებ ინფორმაცია არ ემთხვევა შესრულებული სამუშაოს დამადასტურებელ დოკუმენტაციაში წარმოდგენილ ინფორმაციას, მიმწოდებელი ვალდებულია განახორციელოს თანხის დრბრუნება.

2025 წელს შესრულებული სამუშაო, რომელიც წარმოდგენილი იქნება 2026 წელს, ანაზღაურდება 2025 წელს მოქმედი წესის შესაბამისად, ქვეპროგრამის ასიგნებების ფარგლებში. დანარჩენ ნაწილში 2025 წელს მოქმედი წესი, გაგრძელდება იგივე სახით 2026 წელსაც.

რევმატოიდული ართრიტის სამკურნალო მედიკამენტების დაფინანსების ქვეპროგრამის განხორციელების წესი (შემდგომში – წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული ქვეპროგრამის „რევმატოიდული ართრიტის სამკურნალო მედიკამენტების დაფინანსების (კოდი: 06 01 10)“ (შემდგომში – ქვეპროგრამა) განხორციელების პირობებსა და პროცედურებს.

ქვეპროგრამის მოსარგებლეები არიან რევმატოიდული ართრიტის (M05.8; M06.0 ; M06.8) დიაგნოზის მქონე საქართველოს მოქალაქეები, რომელთა ქულაც DAS28 ინდექსით (დაავადების აქტივობის ქულა 28 სახსრის დათვლის გამოყენებით) შეფასების მიხედვით, შეადგენს 3.2 - ს ან აღემატება მას და ამასთან ქვეპროგრამაში ჩართვის მიზნით, ქალაქ თბილისის მუნიციპალიტეტის მერიისთვის განცხადებით მიმართვამდე ბოლო 2 წლის განმავლობაში უწყვეტად და ამავედროულად ქვეპროგრამაში ჩართვის მომენტისათვის ქალაქ თბილისის მუნიციპალიტეტში არიან რეგისტრირებულნი. ასევე, ისეთი პირები, რომლებსაც ამ 2 წლის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია, თუ ამგვარი შეწყვეტის შედეგად პირი არ დარეგისტრირებულა სხვა მუნიციპალიტეტში.

ქვეპროგრამით გათვალისწინებული მომსახურება მოიცავს მედიკამენტ „ტოცილიზუმაბის“ დაფინანსებას (1 კოლოფი 162მგ/0.9მლ #4 შპრიცი), რომლისთვისაც დადგენილია ტარიფი - არაუმეტეს 1570 ლარის ოდენობით.

პროექტის მიხედვით, ქვეპროგრამის განმახორციელებელია ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახური. ქვეპროგრამით გათვალისწინებული მომსახურება ფინანსდება მატერიალიზებული ვაუჩერის (თანხმობის წერილის) საშუალებით, ფაქტობრივი ხარჯის მიხედვით, მაგრამ არაუმეტეს მედიკამენტის დადგენილი ღირებულების და თანაგადახდის ლიმიტისა. კერძოდ, სოციალურად დაუცველი ოჯახების მონაცემთა ერთიან ბაზაში რეგისტრირებულ პირებს, რომელთა სარეიტინგო ქულა არ აღემატება 150 000-ს, მედიკამენტი უფინანსდებათ სრულად, თანაგადახდის გარეშე, ხოლო ყველა სხვა მოსარგებლეს მედიკამენტი უფინანსდება დადგენილი ტარიფის გათვალისწინებით მედიკამენტის ღირებულების ლიმიტის 80%-ის მოცულობით, თანაგადახდის ოდენობა შეადგენს მხოლოდ 20%-ს. ამასთან, თუ ქვეპროგრამით მოსარგებლე, სოციალურად დაუცველი ოჯახების მონაცემთა ერთიან ბაზაში რეგისტრირებულ პირს, მკურნალობის დასრულებამდე შეუმცირდება სარეიტინგო ქულა, მკურნალობა გაგრძელდება ცვლილების შესაბამისად, ხოლო თუ გაეზრდება სარეიტინგო ქულა, ცვლილების მიუხედავად, მკურნალობა დასრულდება იმ პირობებით, რომლითაც დაიწყო მომსახურების გაწევა.

ქვეპროგრამაში ჩართვისათვისა და მედიკამენტის ვაუჩერის მისაღებად, პირმა უნდა მიმართოს ქვეპროგრამის განმახორციელებელს განცხადებით და წარადგინოს წესით გათვალისწინებული დოკუმენტაცია.

ქვეპროგრამაში ჩართვიდან 3 თვის შემდგომ, ექიმის მიერ DAS28 ინდექსით ხორციელდება მოსარგებლის განმეორებით შეფასება, რომლის შედეგის მიხედვითაც, შესაბამისი პროფილის სხვადასხვა



კლინიკის არანაკლებ 3 ლიცენზირებული ექიმისგან შემდგარი კონსილიუმი წყვეტს ქვეპროგრამის ფარგლებში მოსარგებლის სტატუსის გაგრძელების/შეწყვეტის საკითხს.

მოსარგებლის განმეორებითი შეფასების შედეგების მიხედვით, გაუმჯობესების დადგენის შემთხვევაში, მკურნალობის განმახორციელებელი ექიმი თავიდან განსაზღვრავს ამ ქვეპროგრამით გათვალისწინებული მედიკამენტის დოზირებას. თუ საწყისი ქულა DAS28 ინდექსის მიხედვით მკურნალობის დაწყებისას ნაკლები იყო 5.1-ზე გაუმჯობესებად ჩაითვლება მისი არანაკლებ 0.6 ქულით შემცირება, ხოლო 5.1-ზე მეტი ქულის არსებობის შემთხვევაში მისი არანაკლებ 1.2 ქულით შემცირება ითვლება გაუმჯობესებად.

თავის მხრივ, მიმწოდებელი ვალდებულია, საანგარიშგებო დოკუმენტაცია, არაუგვიანეს საანგარიშო თვის მომდევნო თვის 10 რიცხვისა, წარუდგინოს ქვეპროგრამის განმახორციელებელს.

წესით, ქვეპროგრამით გათვალისწინებული მედიკამენტის მიმწოდებლებისათვის გაწერილია დამატებითი პირობები, რომელსაც დაწესებულება აუცილებლად უნდა აკმაყოფილებდეს, კერძოდ, ეს პირობებია: ფარმაცევტულ ბაზარზე მუშაობის სულ მცირე 5-წლიანი გამოცდილება, იყოს ქალაქ თბილისში არანაკლებ 5 ფილიალის მქონე სააფთიაქო ქსელის მფლობელი, ქვეპროგრამის ფარგლებში მედიკამენტ არანაკლებ 5 ფილიალის მქონე სააფთიაქო ქსელის მფლობელი, ქვეპროგრამის ფარგლებში მედიკამენტ „ტოცილიზუმაბის“ (1 კოლოფი 162მგ/0.9მლ #4 შპრიცი) – არაუმეტეს 1570 ლარის ტარიფით მიწოდება, მედიკამენტის მარაგის უზრუნველყოფა, სულ მცირე სააფთიაქო ქსელის 5 ფილიალში, არანაკლებ 60%-იანი ვარგისიანობის ვადის მქონე მედიკამენტის მიწოდება პაციენტისათვის, საჭიროების შემთხვევაში, მედიკამენტის ტრანსპორტირების მეთოდის – ე.წ. „ცივი ჯაჭვის პრინციპის“ სრულად უზრუნველყოფა.

2025 წელს მომსახურების მიმწოდებლად რეგისტრირებული დაწესებულებისათვის აღნიშნული სტატუსი ავტომატურად გაგრძელდება 2026 წელს, გარდა იმ შემთხვევისა, როდესაც არსებითად შეიცვლება ამავე წესით დადგენილი მიმწოდებლის შერჩევის კრიტერიუმები.

დადგენილების პროექტის მე-2 მუხლით ძალადაკარგულად ცხადდება „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამის განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2024 წლის 27 დეკემბრის N50-99 დადგენილება.

აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი. (მომხრე - 8, თავი შეიკავა - 0 წინააღმდეგი - 0).

ასევე, საკითხის წარმომდგენმა წარმოადგინა, „ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი, რომლის მიღების მიზეზია, სოციალური დაცვის ქვეპროგრამების განსახორციელებლად შესაბამისი წესების დამტკიცება.

„ქალაქ თბილისის მუნიციპალიტეტის 2026 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 23 დეკემბრის N5-8 დადგენილებით დამტკიცებული ბიუჯეტით გათვალისწინებული, ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის ადმინისტრირებადი ქვეპროგრამების განსახორციელებლად საჭირო წესების დამტკიცება და წლის განმავლობაში ქვეპროგრამების შეუფერხებლად განხორციელება.

„ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების (შემდგომში - დადგენილება) პროექტის თანახმად, მტკიცდება ქვემოთ



ჩამოთვლილი ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესები:

დადგენილების პროექტის თანახმად, მტკიცდება ქვემოთ ჩამოთვლილი ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესები:

ა) „სოციალურად დაუცველ ოჯახებში ყველა ახალშობილზე ერთჯერადი დახმარების“ ქვეპროგრამის განხორციელების წესი“ (დანართი №1);

ბ) „100 წელს მიღწეულ მოქალაქეთათვის ერთჯერადი დახმარების ქვეპროგრამის განხორციელების წესი“ (დანართი №2);

გ) „სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარების“ ქვეპროგრამის განხორციელების წესი“ (დანართი №3);

დ) „სოციალურად დაუცველი 18 წლამდე შეზღუდული შესაძლებლობის მქონე პირების დახმარების“ ქვეპროგრამის განხორციელების წესი“ (დანართი №4);

ე) „სოციალურად დაუცველი მკვეთრად შეზღუდული შესაძლებლობის მქონე უსინათლო პირების დახმარების“ (დანართი №5);

ვ) „უფასო სწავლება მოსწავლე-ახალგაზრდობის სახლებში და სასახლეში“ (კოდი: 06 02 06 01) ქვეპროგრამის განხორციელების წესი“ დანართი №6;

ზ) „უფასო სწავლება ხელოვნების სკოლებში“ (კოდი: 06 02 06 02) ქვეპროგრამის განხორციელების წესი“ დანართი №7;

თ) „უფასო სწავლება სპორტულ სკოლებში და საცურაო აუზებში“ (კოდი: 06 02 06 03) ქვეპროგრამის ფარგლებში სოციალურად დაუცველი მოსწავლეების საცურაო აუზებში სწავლების დაფინანსების წესი“ დანართი №8;

ი) „შინმოვლის თანადაფინანსების“ (კოდი: 06 02 26) ქვეპროგრამის განხორციელების წესი“ დანართი №9;

კ) „სოციალურად დაუცველი საპენსიო ასაკის პირებისათვის მედიკამენტების დაფინანსების“ (კოდი 06 02 08) ქვეპროგრამის განხორციელების წესი“ დანართი №10;

ლ) „მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობის“ (კოდი: 06 02 03) ქვეპროგრამის განხორციელების წესი“ დანართი №11.

„სოციალურად დაუცველ ოჯახებში ყველა ახალშობილზე ერთჯერადი დახმარების“ (კოდი: 06 02 25) ქვეპროგრამის განხორციელების წესი“ (შემდგომში - წესი), განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული „სოციალურად დაუცველ ოჯახებში ყველა ახალშობილზე ერთჯერადი დახმარების“ (კოდი: 06 02 25) ქვეპროგრამის (შემდგომში - ქვეპროგრამა) განხორციელების პირობებსა და პროცედურებს. წესის მე-2 და მე-3 მუხლები დეტალურად განსაზღვრავს ქვეპროგრამის მოსარგებლეთა წრეს და ქვეპროგრამით გათვალისწინებული დახმარების მოცულობას. ქვეპროგრამის მოსარგებლეები არიან „სოციალურად დაუცველი ოჯახების მონაცემთა ერთიან ბაზაში“ ქალაქ თბილისში რეგისტრირებული ოჯახები, რომელთა სარეგისტრაციო ქულა არ აღემატება 100 000-ს. ამ



წესით გათვალისწინებული დახმარების გაცემისას ქვეპროგრამის განმახორციელებელი ხელმძღვანელობს სსიპ – „სოციალური მომსახურების სააგენტოს“ მიერ მოწოდებულ „სოციალურად დაუცველი ოჯახების მონაცემთა ერთიან ბაზაში“ პროგრამის მოსარგებლე ოჯახის, ბავშვის დაბადების თარიღისთვის არსებული სარეიტინგო ქულით. ასევე, აღწერს ქვეპროგრამაში ჩართვისათვის აუცილებელ პროცედურას. წესში გაწერილია, როგორც ყოველი ახალშობილის შეძენის შემთხვევაში 500 (ხუთასი) ლარიანი დახმარების მიღების პროცედურა, ასევე მესამე, მეოთხე, მეხუთე და შემდეგი ახალშობილების შემთხვევაში შესაბამისი ფულადი დახმარების მიღებისათვის აუცილებელი წინაპირობები. წესის მე-3 მუხლის პირველმა, მე-2, მე-3 და მე-4 პუნქტებმა განიცადა მცირე რედაქციული ცვლილებები. დანარჩენ ნაწილში, 2025 წელს მოქმედი წესი, გაგრძელდება იმავე სახით 2026 წელსაც.

დადგენილების პროექტის პირველი მუხლის „ბ“ ქვეპუნქტით მტკიცდება „100 წელს მიღწეულ მოქალაქეთათვის ერთჯერადი დახმარების“ (კოდი: 06 02 05) ქვეპროგრამის განხორციელების წესი“ (შემდგომში - წესი), რომლითაც განისაზღვრება „100 წელს მიღწეულ მოქალაქეთათვის ერთჯერადი დახმარების“ გაცემის პირობები და პროცედურები. ქვეპროგრამის მოსარგებლეები არიან ქვეპროგრამაში ჩართვის მიზნით, ქალაქ თბილისის მუნიციპალიტეტის მერიისათვის განცხადებით მიმართვამდე ბოლო 1 (ერთი) წლის განმავლობაში უწყვეტად და ამავდროულად ქვეპროგრამაში ჩართვის მომენტისათვის ქალაქ თბილისის მუნიციპალიტეტში რეგისტრირებული 100 წლის და მეტი ასაკის პირები, ასევე 100 წლის და მეტი ასაკის პირები, რომლებსაც ამ 1 (ერთი) წლის განმავლობაში შეუწყდათ და კვლავ განუახლდათ ქალაქ თბილისის მუნიციპალიტეტში რეგისტრაცია, თუ ამგვარი შეწყვეტის შედეგად პირი არ დარეგისტრირებულა სხვა მუნიციპალიტეტში. ქვეპროგრამის მოსარგებლეები ასევე არიან იძულებით გადაადგილებული პირის სტატუსის მქონე 100 წლის და მეტი ასაკის პირები, რომლებსაც დევნილის სტატუსის დამადასტურებელი დოკუმენტის მიხედვით რეგისტრაციის მისამართად უფიქსირდებათ ქალაქი თბილისი. შესაბამისად, წესის მე-2 მუხლის პირველმა პუნქტმა განიცადა მცირე რედაქციული ცვლილება, რათა უფრო ნათლად ჩამოყალიბდეს, რომ დევნილის სტატუსის მქონე 100 წლის და მეტი ასაკის პირებს, არ მოეთხოვებათ ბოლო 1 წლის განმავლობაში უწყვეტად ქალაქ თბილისში რეგისტრაციის დადასტურება, თუ მათ აქვთ დევნილის სტატუსის დამადასტურებელი დოკუმენტი და რეგისტრაციის მისამართად უფიქსირდებათ ქალაქი თბილისი.

ფულადი დახმარება განისაზღვრება 10 000 (ათი ათასი) ლარის ოდენობით.

პირები რომლებსაც 2025 წელს ქვეპროგრამის ფარგლებში, მომსახურე ბანკში, პირად საბანკო ანგარიშზე დაერიცხათ ფულადი დახმარება და 2026 წლის 9 იანვრის მდგომარეობით არსებული ინფორმაციის მიხედვით აკმაყოფილებენ ამ წესით გათვალისწინებულ პირობებს, თანხას მიიღებენ იმავე, აქტიურ საბანკო ანგარიშზე. ფულადი დახმარების მისაღებად ქვეპროგრამის განმახორციელებლისადმი განცხადებით მიმართვა სავალდებულო არ არის.

2025 წელს მოქმედი წესი, გაგრძელდება იმავე სახით 2026 წელსაც.

დადგენილების პროექტის პირველი მუხლის „გ“ ქვეპუნქტით მტკიცდება „სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარების“ ქვეპროგრამის (კოდი: 06 02 02) განხორციელების წესი“ (შემდგომში - წესი), რომელიც განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული „სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარების“ (კოდი: 06 02 02) ქვეპროგრამის (შემდგომში - ქვეპროგრამა) განხორციელების პირობებსა და პროცედურებს. ქვეპროგრამის მოსარგებლეები არიან „სოციალურად დაუცველი ოჯახების მონაცემთა ერთიან ბაზაში“ ქ. თბილისის მუნიციპალიტეტში რეგისტრირებული ოჯახები, რომელთა სარეიტინგო ქულა არ აღემატება 70 000-ს და აღნიშნული ბაზის მიხედვით ოჯახში ფიქსირდება 3 და მეტი 18 წლამდე ასაკის ბავშვი.



ქვეპროგრამის ფარგლებში დახმარების მიმღებია ოჯახი. ყოველ 18 წლამდე ბავშვზე, ყოველთვიურად გაიცემა ფულადი დახმარება 50 (ორმოცდაათი) ლარის ოდენობით.

ქვეპროგრამით გათვალისწინებული ფულადი დახმარება ირიცხება მომსახურე ბანკის საშუალებით, „სოციალურად დაუცველი ოჯახების მონაცემთა ერთიან ბაზაში“ დაფიქსირებული „ოჯახის უფლებამოსილი წარმომადგენლის“ პირად საბანკო ანგარიშზე. წესის მე-3 მუხლის მესამე პუნქტით განისაზღვრება მომსახურე ბანკში ქვეპროგრამის მოსარგებლე ოჯახის უფლებამოსილი წარმომადგენლის აქტიური საბანკო ანგარიშის არარსებობის პერიოდში ოჯახისათვის ჩაურიცხავი თანხების ჩარიცხვის შესაძლებლობა და დგინდება, რომ ჩაურიცხავი თანხების ჩარიცხვა შეიძლება განხორციელდეს ერთდროულად, მომსახურე ბანკიდან უფლებამოსილი წარმომადგენლის სახელზე არსებული აქტიური ანგარიშის შესახებ ინფორმაციის მოწოდების თვეში, მაგრამ არაუმეტეს ბოლო 6 თვის თანხისა.

დადგენილების პროექტის პირველი მუხლის „დ“ ქვეპუნქტით მტკიცდება „სოციალურად დაუცველი 18 წლამდე შეზღუდული შესაძლებლობის მქონე პირების დახმარების (კოდი: 06 02 22) ქვეპროგრამის (შემდგომში - ქვეპროგრამა) განხორციელების წესი, რომლითაც განისაზღვრება „სოციალურად დაუცველი 18 წლამდე შეზღუდული შესაძლებლობის მქონე პირების დახმარების“ ქვეპროგრამის განხორციელების პირობები და პროცედურები, ქვეპროგრამაში ჩართვის პირობები და ანგარიშგების ფორმა. ქვეპროგრამის მოსარგებლეები არიან არიან „სოციალურად დაუცველი ოჯახების მონაცემთა ერთიან ბაზაში“ ქალაქ თბილისში რეგისტრირებული ოჯახები, რომელთა სარეიტინგო ქულა არ აღემატება 150 000-ს და ოჯახში ფიქსირდება 18 წლამდე ასაკის შეზღუდული შესაძლებლობის მქონე პირი. წესის მე-2 მუხლის მე-2 პუნქტში შედის ცვლილება და ქვეპროგრამით გათვალისწინებულ თითოეულ თვეში დახმარების ოდენობა ნაცვლად 400 ლარისა, შეადგენს 500 ლარს. კერძოდ, ქვეპროგრამის ფარგლებში ფულადი დახმარება გაიცემა, ჯამურად, წელიწადში 1000 (ათასი) ლარი. ფულადი დახმარება გაიცემა ორ ნაწილად, მაისში და დეკემბერში, თითოეულ თვეში 500 (ხუთასი) ლარის ოდენობით.

ქვეპროგრამის მოსარგებლეებისათვის ფულადი დახმარების გაცემა ხორციელდება საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - სოციალური მომსახურების სააგენტოს მიერ მოწოდებული, ამ წესის მე-2 მუხლის მე-2 პუნქტით განსაზღვრული თვეების წინა თვის მდგომარეობის ამსახველ „სოციალურად დაუცველი ოჯახების მონაცემთა ერთიან ბაზაში“ შეზღუდული შესაძლებლობის მქონე პირის (შემდგომში - შშმ პირი) რეგისტრაციის საფუძველზე. კუთვნილი თვეების ფულადი დახმარება ასევე გაიცემა წლის განმავლობაში წარმოდგენილი განცხადების საფუძველზე, თუ პირი რეგისტრირებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - სოციალური მომსახურების სააგენტოს მიერ მოწოდებულ „სოციალურად დაუცველი ოჯახების მონაცემთა ერთიან ბაზაში“ და განცხადებას თან ერთვის 18 წლამდე ასაკის შშმ პირის სტატუსის დამადასტურებელი დოკუმენტი.

ფულადი დახმარების მიმღებად განისაზღვრება პირი, რომელიც „სოციალურად დაუცველი ოჯახების მონაცემთა ბაზაში“ დაფიქსირებულია როგორც „ოჯახის უფლებამოსილი წარმომადგენელი“.

ქვეპროგრამის განმახორციელებელი უფლებამოსილია შშმ პირის სტატუსის დამადასტურებელი შესაბამისი დოკუმენტის ვერიფიკაციის ან აღნიშნული დოკუმენტის წარმოდგენილობის შემთხვევაში შშმ პირის სტატუსის იდენტიფიკაციისთვის ისარგებლოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - სამედიცინო და ფარმაცევტული საქმიანობის რეგულირების სააგენტოს „შეზღუდული შესაძლებლობის მქონე პირთა რეგისტრით“ გათვალისწინებულ მონაცემებზე წვდომის უფლებით, ელექტრონული სახით.



2025 წლის კუთვნილი ფულადი დახმარება შესაძლებელია გაიცეს 2025 წელს მოქმედი წესის შესაბამისად, 2026 წლის ბიუჯეტის ასიგნებების ფარგლებში იმ პირთათვის, რომლებიც განცხადებას წარმოადგენენ 2025 წლის 10 დეკემბრიდან 31 დეკემბრის ჩათვლით პერიოდში, ასევე იმ მოსარგებლეებისათვის რომლებზეც საბანკო ანგარიშის გახსნის შესახებ ინფორმაცია მომსახურე ბანკიდან მიღებული იქნება 2026 წლის 10 მარტამდე.

ამ წესის მე-4 მუხლის პირველ და მე-2 პუნქტებში შესწორდა მცირე ტექნიკური ხარვეზები. გარდა ფულადი დახმარების ოდენობის გაზრდისა, 2025 წელს მოქმედი წესი, გაგრძელდება იმავე სახით 2026 წელსაც.

დადგენილების პროექტის პირველი მუხლის „ე“ ქვეპუნქტის მიხედვით მტკიცდება „სოციალურად დაუცველი მკვეთრად შეზღუდული შესაძლებლობების მქონე უსინათლო პირების დახმარების“ (კოდი: 06 02 24) ქვეპროგრამის განხორციელების წესი“ (შემდგომში - წესი), რომლითაც განისაზღვრება ქალაქ თბილისის მუნიციპალიტეტის ბიუჯეტით გათვალისწინებული სოციალურად დაუცველი მკვეთრად შეზღუდული შესაძლებლობების მქონე უსინათლო პირების დახმარების“ ქვეპროგრამის (შემდგომში - ქვეპროგრამის) განხორციელების პირობები და პროცედურები, თუ ვინ არიან ქვეპროგრამების მოსარგებლეები, ქვეპროგრამით გათვალისწინებული დახმარების მოცულობა, ჩართვის პირობები და ანგარიშგების ფორმა.

ქვეპროგრამის მოსარგებლეები არიან „სოციალურად დაუცველი ოჯახების მონაცემთა ერთიან ბაზაში“ ქალაქ თბილისში რეგისტრირებული ოჯახები, რომელთა სარეიტინგო ქულა არ აღემატება 150 000-ს და ოჯახში ფიქსირდება მკვეთრად შეზღუდული შესაძლებლობის მქონე უსინათლო პირი. ცვლილება შედის წესის მე-2 მუხლის მე-2 პუნქტში რომლის მიხედვითაც, იზრდება ქვეპროგრამის ფარგლებში გასაცემი ფულადი დახმარების ოდენობა. კერძოდ, ქვეპროგრამის ფარგლებში ფულადი დახმარება გაიცემა, ჯამურად, წელიწადში 1050 (ათას ორმოცდაათი) ლარის ოდენობით. ფულადი დახმარება გაიცემა სამ ნაწილად, მაისში, აგვისტოში და დეკემბერში, თითოეულ თვეში 350 (სამას ორმოცდაათი) ლარის ოდენობით.

ქვეპროგრამის მოსარგებლეებისათვის ფულადი დახმარების გაცემა ხორციელდება საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - სოციალური მომსახურების სააგენტოს მიერ მოწოდებული, ამ წესის მე-2 მუხლის მე-2 პუნქტით განსაზღვრული თვეების წინა თვის მდგომარეობის ამსახველ „სოციალურად დაუცველი ოჯახების მონაცემთა ერთიან ბაზაში“ შპმ პირის რეგისტრაციის საფუძველზე, თუ ქვეპროგრამის ფარგლებში პირზე ერთხელ მაინც გაცემულია ფულადი დახმარება. ასევე, კუთვნილი თვეების ფულადი დახმარების გაცემა ხორციელდება წლის განმავლობაში წარმოდგენილი განცხადების საფუძველზე, თუ პირი რეგისტრირებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - „სოციალური მომსახურების სააგენტოს“ მიერ მოწოდებულ „სოციალურად დაუცველი ოჯახების მონაცემთა ერთიან ბაზაში“ და განცხადებას თან ერთვის მკვეთრად შეზღუდული შესაძლებლობების მქონე უსინათლო პირის სტატუსის დამადასტურებელი დოკუმენტი.

ფულადი დახმარება გადაირიცხება უსინათლო პირის პირად საბანკო ანგარიშზე.

ქვეპროგრამის განმახორციელებელი უფლებამოსილია მკვეთრად შეზღუდული შესაძლებლობების მქონე უსინათლო პირის სტატუსის დამადასტურებელი შესაბამისი დოკუმენტის ვერიფიკაციის ან აღნიშნული დოკუმენტის წარმოდგენილობის შემთხვევაში, შპმ პირის სტატუსის იდენტიფიკაციისთვის ისარგებლოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული სსიპ - სამედიცინო და ფარმაცევტული საქმიანობის რეგულირების სააგენტოს „შეზღუდული შესაძლებლობის მქონე პირთა რეგისტრით“ გათვალისწინებულ მონაცემებზე წვდომის უფლებით, ელექტრონული სახით.



დახმარება, ზემოაღნიშნულ თვეებში, გაიცემა იმ შემთხვევაში, თუ დახმარების გადარიცხვის მომენტისათვის ქვეპროგრამის განმახორციელებლისათვის მომსახურე ბანკის მიერ მოწოდებულ მონაცემებში ფიქსირდება ინფორმაცია, დახმარების მიმღები პირის სახელზე არსებული აქტიური საბანკო ანგარიშის შესახებ. ასეთის არარსებობის შემთხვევაში დახმარება გაიცემა მომსახურე ბანკიდან შესაბამისი ინფორმაციის მიღების თვეში.

2025 წლის კუთვნილი ფულადი დახმარება შესაძლებელია გაიცეს 2025 წელს მოქმედი წესის შესაბამისად, 2026 წლის ბიუჯეტის ასიგნებების ფარგლებში იმ პირთათვის, რომლებიც განცხადებას წარმოადგენენ 2025 წლის 10 დეკემბრიდან 31 დეკემბრის ჩათვლით პერიოდში, ასევე იმ მოსარგებლეებისათვის რომლებზეც საბანკო ანგარიშის გახსნის შესახებ ინფორმაცია მომსახურე ბანკიდან მიღებული იქნება 2026 წლის 10 მარტამდე.

ამ წესის მე-4 მუხლის პირველ და მე-2 პუნქტებში შესწორდა მცირე ტექნიკური ხარვეზები. გარდა ფულადი დახმარების ოდენობის გაზრდისა, 2025 წელს მოქმედი წესი, გაგრძელდება იმავე სახით 2026 წელსაც.

დადგენილების პროექტის პირველი მუხლის „ვ“ ქვეპუნქტით მტკიცდება „უფასო სწავლება მოსწავლე ახალგაზრდობის სახლებში და სასახლეში“ (კოდი: 06 02 06 01) ქვეპროგრამის განხორციელების წესი“ (შემდგომში - წესი), რომელიც განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული „უფასო სწავლება მოსწავლე ახალგაზრდობის სახლებში და სასახლეში“ (კოდი: 06 02 06 01) ქვეპროგრამის განხორციელების პირობებსა და პროცედურებს. კერძოდ, ქვეპროგრამის მოსარგებლეების კატეგორიები, ქვეპროგრამით გათვალისწინებული მომსახურების მოცულობა, ქვეპროგრამის განხორციელების მექანიზმი, ჩართვის პირობები. ანგარიშგების ფორმა, შესრულებული სამუშაოს ანაზღაურება, მომსახურების მიმწოდებელთა ლიმიტები. ქვეპროგრამის მოსარგებლეები არიან „სოციალურად დაუცველი ოჯახების მონაცემთა ერთიან ბაზაში“ ქალაქ თბილისში რეგისტრირებული 18 წლამდე ასაკის პირები, რომელთა სარეიტინგო ქულა არ აღემატება 70 000-ს.

ქვეპროგრამის ფარგლებში, ქალაქ თბილისის მუნიციპალიტეტის მიერ დაფუძნებული ა(ა)იპ „ქ. თბილისის მოსწავლე-ახალგაზრდობის სახლის“ (ს/ნ 204526352) და ა(ა)იპ „ახალგაზრდობის ეროვნული სასახლის“ (ს/ნ 404494980), მიერ კონკრეტულ წრეზე გაკვეთილების ჩატარება ხორციელდება მათი სასწავლო გეგმის შესაბამისად. ბენეფიციარებს აუნაზღაურდებათ სწავლების საფასური ქალაქ თბილისის მუნიციპალიტეტის მიერ დაფუძნებულ ა(ა)იპ „ახალგაზრდობის ეროვნული სასახლის“ (ს/ნ 404494980) და ა(ა)იპ „ქ. თბილისის მოსწავლე ახალგაზრდობის სახლში“ (ს/ნ 204526352) შემდეგი ლიმიტების გათვალისწინებით: ა(ა)იპ „ქ. თბილისის მოსწავლე-ახალგაზრდობის სახლი“ – თვეში 1740 (ათას შვიდას ორმოცი) პირის ოდენობით, ხოლო ა(ა)იპ „ახალგაზრდობის ეროვნული სასახლე“ – თვეში 291 (ორას ოცმოცდათერთმეტი) პირის ოდენობით.

ქვეპროგრამაში ჩასართავად მოსარგებლე პირი (უფლებამოსილი წარმომადგენელი) მიმართავს ბენეფიციარისათვის მომსახურების მიმწოდებელს და აცხადებს თანხმობას ბენეფიციარებისათვის მომსახურების მიმწოდებლის მიერ დადგენილი წესით. მოსარგებლე პირს უფლება აქვს მიიღოს გათვალისწინებული შეღავათი მხოლოდ ერთ წრეზე.

წესის მე-5 მუხლის პირველი პუნქტით გათვალისწინებული დაფინანსების ოდენობა გაიზარდა და ჩამოყალიბდა შემდეგნაირად: წესის მე-5 მუხლის პირველი პუნქტის „ა“ ქვეპუნქტის მიხედვით, „უფასო სწავლება მოსწავლე-ახალგაზრდობის სახლებში და სასახლეში“ (კოდი: 06 02 06 01) ქვეპროგრამის ფარგლებში ა(ა)იპ „ქ. თბილისის მოსწავლე-ახალგაზრდობის სახლისათვის“, თვეში ერთ მოსარგებლე პირზე (მოსწავლეზე) დაფინანსების ოდენობა ნაცვლად არაუმეტეს 40 (ორმოცი) ლარისა, შეადგენს არაუმეტეს 50 (ორმოცდაათ) ლარს. ხოლო, „უფასო სწავლება მოსწავლე-ახალგაზრდობის სახლებში და სასახლეში“ (კოდი: 06 02 06 01) ქვეპროგრამის ფარგლებში ა(ა)იპ „ახალგაზრდობის ეროვნული სასახლისთვის“ თვეში ერთ მოსარგებლე პირზე (მოსწავლეზე) დაფინანსების ოდენობა შეადგენს:



მხატვრული კითხვა – ნაცვლად არაუმეტეს 25 (ოცდახუთი) ლარსა, 50 (ორმოცდაათი) ლარს. საგნობრივი წრეები, მუსიკალური მიმართულება, სახვითი და გამოყენებითი ხელოვნება - ნაცვლად არაუმეტეს 30 (ოცდაათი) ლარსა, შეადგენს 50 (ორმოცდაათი) ლარს. გიტარის შემსწავლელი წრე, სპორტული მიმართულება – ნაცვლად არაუმეტეს 40 (ორმოცი) ლარსა, ასევე შეადგენს 50 (ორმოცდაათი) ლარს და ქორეოგრაფიული სტუდია - არაუმეტეს 50 (ორმოცდაათი) ლარს.

რედაქციული ცვლილება განიცადა წესის მე-6 მუხლმა - „ბენეფიციარისათვის მომსახურების მიწოდების მონიტორინგი“ და ჩამოყალიბდა შემდეგნაირად: ბენეფიციარისათვის მომსახურების მიწოდების კონტროლი განხორციელდება ხორციელდება განმახორციელებლის პროგრამების მონიტორინგის განყოფილების მიერ, წინასწარ შერჩეული შემთხვევების ინსპექტირების გზით, სატელეფონო კომუნიკაციის ან საჭიროების შემთხვევაში, ადგილზე ვიზიტის განხორციელების საშუალებით. შემთხვევის ადგილზე ვიზიტით შემოწმებისას ხორციელდება მოსარგებლესთან მონიტორინგის განყოფილების წარმომადგენლის ვიზიტი და შესრულებული სამუშაოს დამადასტურებელი დოკუმენტაციით მიწოდებული ინფორმაციის გადამოწმება, საჭიროების შემთხვევაში მშობელთან/პირის კანონიერ წარმომადგენელთან და მიმწოდებელთან დასაქმებულ პერსონალთან გასაუბრება. მონიტორინგისას უნდა შედგეს შემოწმების აქტი, რომელსაც ხელს აწერს მონიტორინგის განყოფილების წარმომადგენელი და ბენეფიციარისათვის მომსახურების მიმწოდებლის წარმომადგენელი. იმ შემთხვევაში, თუ ბენეფიციარისათვის მომსახურების მიმწოდებლის წარმომადგენელი უარს აცხადებს შემოწმების აქტის ხელმოწერაზე, აქტში უნდა გაკეთდეს შესაბამისი შენიშვნა.

საჭიროების შემთხვევაში შესაძლებელია ბენეფიციარისათვის მომსახურების მიმწოდებელთან განხორციელდეს მონიტორინგის განყოფილების წარმომადგენლის განმეორებითი ვიზიტი.

ზემოაღნიშნული წესი, წინა დადგენილებაში გაერთიანებული იყო „უფასო სწავლება ხელოვნების სკოლებში“ (კოდი: 06 02 06 02) ქვეპროგრამის განხორციელების წესთან, თუმცა ვინაიდან ქვეპროგრამებს აქვთ საკუთარი კოდები ქალაქ თბილისის მუნიციპალიტეტის ბიუჯეტში და თანაც შინაარსობრივად განსხვავდებიან ერთმანეთისაგან, მიზანშეწონილად აღარ მიიჩნევა მათი გაერთიანება. დადგენილების პროექტის პირველი მუხლის „ზ“ ქვეპუნქტით მტკიცდება „უფასო სწავლება ხელოვნების სკოლებში“ (კოდი: 06 02 06 02) ქვეპროგრამის განხორციელების წესი“ (შემდგომში – წესი) განსაზღვრავს ქალაქ თბილისის მუნიციპალიტეტის ბიუჯეტით გათვალისწინებული „უფასო სწავლება ხელოვნების სკოლებში“ (კოდი: 06 02 06 02) ქვეპროგრამის განხორციელების პირობებსა და პროცედურებს.

ქვეპროგრამების მოსარგებლეები არიან „სოციალურად დაუცველი ოჯახების მონაცემთა ერთიან ბაზაში“ ქალაქ თბილისში რეგისტრირებული 18 წლამდე ასაკის პირები, რომელთა სარეიტინგო ქულა არ აღემატება 70 000-ს.

ქვეპროგრამის ფარგლებში, ქალაქ თბილისის მუნიციპალიტეტის მიერ არასამეწარმეო (არაკომერციული) იურიდიული პირების ფორმით დაფუძნებული ხელოვნების სკოლების მიერ კონკრეტულ წრეზე გაკვეთილების ჩატარება ხორციელდება მათი სასწავლო გეგმის შესაბამისად. „უფასო სწავლება ხელოვნების სკოლებში“ ქვეპროგრამით, ბენეფიციარებს აუნაზღაურდებათ სწავლების ღირებულება ქალაქ თბილისის მუნიციპალიტეტის მიერ არასამეწარმეო (არაკომერციული) იურიდიული პირების ფორმით დაფუძნებულ ამ წესის მე-9 მუხლით გათვალისწინებულ ხელოვნების სკოლებში.

„უფასო სწავლება ხელოვნების სკოლებში“ ქვეპროგრამის ფარგლებში განისაზღვროს ლიმიტი შეადგენს თვეში 2638 (ორი ათას ექვსას ოცდათვრამეტი) პირის ოდენობით, ამ წესის მე-9 მუხლით გათვალისწინებული განაწილების შესაბამისად. ქვეპროგრამაში ჩასართავად მოსარგებლე პირი მიმართავს ბენეფიციარისათვის მომსახურების მიმწოდებელს და აცხადებს თანხმობას ბენეფიციარისათვის მომსახურების მიმწოდებლის მიერ დადგენილი წესით.



მოსარგებლე პირს უფლება აქვს მიიღოს გათვალისწინებული შეღავათი მხოლოდ ერთ წრეზე. თვეში ერთ მოსარგებლე პირზე (მოსწავლეზე) დაფინანსების ოდენობა, ქვეპროგრამის ფარგლებში შეადგენს არაუმეტეს 50 (ორმოცდაათი) ლარს.

რაც შეეხება, ბენეფიციარისათვის მომსახურების მიწოდების მონიტორინგს, წესის მე-6 მუხლის მიხედვით, მომსახურების მიწოდების კონტროლი ხორციელდება განმახორციელებლის პროგრამების მონიტორინგის განყოფილების მიერ, წინასწარ შერჩეული შემთხვევების ინსპექტირების გზით, სატელეფონო კომუნიკაციის ან საჭიროების შემთხვევაში ადგილზე ვიზიტის განხორციელების საშუალებით. შემთხვევის ადგილზე ვიზიტით შემოწმებისას ხორციელდება მოსარგებლესთან მონიტორინგის განყოფილების წარმომადგენლის ვიზიტი და შესრულებული სამუშაოს დამადასტურებელი დოკუმენტაციით მიწოდებული ინფორმაციის გადამოწმება, საჭიროების შემთხვევაში მშობელთან/პირის კანონიერ წარმომადგენელთან და მიმწოდებელთან დასაქმებულ პერსონალთან გასაუბრება. მონიტორინგისას უნდა შედგეს შემოწმების აქტი, რომელსაც ხელს აწერს მონიტორინგის განყოფილების წარმომადგენელი და ბენეფიციარისათვის მომსახურების მიმწოდებლის წარმომადგენელი. იმ შემთხვევაში, თუ ბენეფიციარისათვის მომსახურების მიმწოდებლის წარმომადგენელი უარს აცხადებს შემოწმების აქტის ხელმოწერაზე, აქტში უნდა გაკეთდეს შესაბამისი შენიშვნა. საჭიროების შემთხვევაში, შესაძლებელია ბენეფიციარისათვის მომსახურების მიმწოდებელთან განხორციელდეს მონიტორინგის განყოფილების წარმომადგენლის განმეორებითი ვიზიტი.

თითოეულ მომსახურების მიმწოდებელ დაწესებულებაში მოსწავლეთა ლიმიტები თვის განმავლობაში განსაზღვრულია წესის მე-9 მუხლით.

დადგენილების პროექტის პირველი მუხლის „თ“ ქვეპუნქტით მტკიცდება „უფასო სწავლება სპორტულ სკოლებში და საცურაო აუზებში“ (კოდი: 06 02 06 03) ქვეპროგრამის (შემდგომში - ქვეპროგრამა) ფარგლებში „სოციალურად დაუცველი მოსწავლეების საცურაო აუზებში სწავლების ღირებულების ანაზღაურების წესი“ (შემდგომში - წესი), რომლითაც განისაზღვრება ქვეპროგრამის მოსარგებლეების კატეგორიები, ქვეპროგრამით გათვალისწინებული მომსახურების მოცულობა, ქვეპროგრამის განხორციელების მექანიზმი, მოსარგებლეების ქვეპროგრამაში ჩართვის პირობები, ვაუჩერის პირობები, ანაზღაურება და ანგარიშგების წესი. ამასთან, წესით გათვალისწინებულია ბენეფიციარისათვის მომსახურების მიწოდების შემოწმების, საანგარიშგებო დოკუმენტაციის ინსპექტირებისა და ანაზღაურების პირობები. განსაზღვრულია მიმწოდებლის დამატებითი კრიტერიუმები.

ქვეპროგრამის მოსარგებლეები არიან „სოციალურად დაუცველი ოჯახების მონაცემთა ერთიან ბაზაში“ (შემდგომში - ბაზა) 70 000 და ნაკლები სარეიტინგო ქულის მქონე ქალაქ თბილისში რეგისტრირებული 18 წლამდე ასაკის პირები. მოსარგებლეებს პროგრამაში ჩართვის შემდეგ დაუფინანსდებათ, კვალიფიციური მწვრთნელის საშუალებით, აუზზე ცურვის, მინიმუმ 45 წუთიანი ხანგრძლივობის გაკვეთილები. გაკვეთილების ერთი სრული კურსის ხანგრძლივობა შეადგენს სამ თვეს, თვეში 12 გაკვეთილს.

ქვეპროგრამით გათვალისწინებული მომსახურების დაფინანსება ხორციელდება არამატერიალიზებული ფორმის ვაუჩერის მეშვეობით. ელექტრონულ მოდულში რეგისტრაციასთან ერთად მიმწოდებელი წერილობითი ფორმით უდასტურებს ქვეპროგრამის განმახორციელებელს ქვეპროგრამაში მონაწილეობის სურვილს.

ქვეპროგრამის ფარგლებში დაფინანსდება თვეში არაუმეტეს 700 ბენეფიციარისა.

მომსახურების უწყვეტობის მიზნით, 2025 წელს მიმწოდებლად რეგისტრირებულ პირს/ორგანიზაციას აღნიშნული სტატუსი ავტომატურად უგრძელდება 2026 წელს, თუმცა კრიტერიუმების დამადასტურებელი დოკუმენტაცია ექვემდებარება გადამოწმებას. 2025 წელს მოქმედი წესი, გაგრძელდება იმავე სახით 2026 წელსაც.



დადგენილების პროექტის პირველი მუხლის „ი“ ქვეპუნქტით მტკიცდება „შინმოვლის თანადაფინანსების“ (კოდი: 06 02 26) ქვეპროგრამის განხორციელების წესი“ (შემდგომში - წესი), რომლითაც განისაზღვრება ქალაქ თბილისის მუნიციპალიტეტის ბიუჯეტით გათვალისწინებული „შინმოვლის თანადაფინანსების“ (კოდი: 06 02 26) ქვეპროგრამის (შემდგომში - ქვეპროგრამის) მოსარგებლეების კატეგორიები, ქვეპროგრამით გათვალისწინებული მომსახურების მოცულობა, ქვეპროგრამის განხორციელების მექანიზმი, მოსარგებლეების ქვეპროგრამაში ჩართვის პირობები და ანგარიშგების წესი. ამასთან, წესი ითვალისწინებს ბენეფიციარისათვის მომსახურების მიწოდების შემოწმების, საანგარიშგებო დოკუმენტაციის ინსპექტირებისა და შესრულებული სამუშაოს ანაზღაურების პროცედურას.

წესის მე-2 მუხლში მოცემულია გამოყენებულ ტერმინთა განმარტებები. ქვეპროგრამაში ჩართვა შეუძლიათ „სოციალურად დაუცველი ოჯახების მონაცემთა ერთიან ბაზაში“ ქ. თბილისში რეგისტრირებული 200 000 და ნაკლები სარეიტინგო ქულის მქონე ოჯახის წევრებს. მოსარგებლეა პირი, რომლისთვისაც „უძლურების შეფასების ბარათის კითხვარის“ მიხედვით მინიჭებული ქულა არ აღემატება 95 ერთეულს. ხოლო, მოსარგებლეები არ არიან „ინკურაბელურ პაციენტთა პალიატიური მზუნველობის სახელმწიფო პროგრამის“ მოსარგებლეები, ასევე სახელმწიფო ან მუნიციპალური პროგრამის ფარგლებში სამედიცინო ან ზრუნვით დაწესებულებაში მომსახურების მიმღები პირები.

ქვეპროგრამის განმახორციელებლის მიერ ქვეპროგრამის ფარგლებში დაფინანსდება არაუმეტეს 850 მოსარგებლე ამ წესის მე-11 მუხლით გათვალისწინებული ვაუჩერის ღირებულებისა და კატეგორიების შესაბამისად.

წესით გათვალისწინებულია მიმწოდებელთათვის დამატებითი კრიტერიუმები, მრავალდარგობრივი გუნდის არსებობა, დოკუმენტაციის შეგროვება და მოწესრიგება/აღრიცხვა. ამასთან უწყვეტობის მიზნით, 2025 წელს მიმწოდებლად ან/და შემფასებლად რეგისტრირებულ პირს/ორგანიზაციას აღნიშნული სტატუსი ავტომატურად უგრძელდება 2026 წელს, თუმცა კრიტერიუმების დამადასტურებელი დოკუმენტაცია ექვემდებარება გადამოწმებას.

დადგენილების პროექტის მიხედვით, იცვლება წესის მე-11 მუხლით დადგენილი წლის ვაუჩერის ღირებულებები ბენეფიციართა კატეგორიების მიხედვით. „სოციალურად დაუცველი ოჯახების მონაცემთა ერთიან ბაზაში“ 70 001-მდე სარეიტინგო ქულის მქონე I კატეგორიის მიკუთვნებული პირისთვის ვაუჩერის ღირებულება განისაზღვრება - 850 ლარით, ნაცვლად 662 ლარისა. „სოციალურად დაუცველი ოჯახების მონაცემთა ერთიან ბაზაში“ 70001-მდე სარეიტინგო ქულის მქონე II კატეგორიის მიკუთვნებული პირისთვის - 580 ლარით, ნაცვლად 453 ლარისა. „სოციალურად დაუცველი ოჯახების მონაცემთა ერთიან ბაზაში“ 70001-მდე სარეიტინგო ქულის მქონე III კატეგორიის მიკუთვნებული პირისთვის - 350 ლარი, ნაცვლად 276 ლარისა. „სოციალურად დაუცველი ოჯახების მონაცემთა ერთიან ბაზაში“ 70001-დან 200001-მდე სარეიტინგო ქულის მქონე I კატეგორიის მიკუთვნებული პირისათვის - 480 ლარით, ნაცვლად 379 ლარისა. „სოციალურად დაუცველი ოჯახების მონაცემთა ერთიან ბაზაში“ 70001-დან 200001-მდე სარეიტინგო ქულის მქონე II კატეგორიის მიკუთვნებული პირისთვის 340 ლარი ნაცვლად 264 ლარისა. „სოციალურად დაუცველი ოჯახების მონაცემთა ერთიან ბაზაში“ 70001-დან 200001-მდე სარეიტინგო ქულის მქონე III კატეგორიის მიკუთვნებული პირისთვის 210 ლარი, ნაცვლად 167 ლარისა.

დანარჩენ ნაწილში, 2025 წელს მოქმედი წესი, გაგრძელდება იმავე სახით 2026 წელსაც. დადგენილების პროექტის პირველი მუხლის „კ“ ქვეპუნქტით მტკიცდება „სოციალურად დაუცველი საპენსიო ასაკის პირებისათვის მედიკამენტების დაფინანსების“ (კოდი: 06 02 08) ქვეპროგრამის განხორციელების წესი“ (შემდგომში - წესი), რომლის მიხედვითაც განისაზღვრება ქალაქ თბილისის მუნიციპალიტეტის ბიუჯეტით გათვალისწინებული „სოციალურად დაუცველი საპენსიო ასაკის პირებისათვის მედიკამენტების დაფინანსების“ (კოდი: 06 02 08) ქვეპროგრამის (შემდგომში - ქვეპროგრამის) განხორციელების პირობები. ქვეპროგრამით გათვალისწინებული დაფინანსების მოსარგებლეები არიან საპენსიო ასაკის სოციალურად დაუცველი პირები, რომელთაც ეს უკანასკნელი სტატუსი მინიჭებული აქვთ



ქალაქ თბილისის მუნიციპალიტეტში და „სოციალურად დაუცველი ოჯახების მონაცემთა ბაზაში“ მათი ოჯახების სარეიტინგო ქულა არ აღემატება 200 000-ს.

ქვეპროგრამის კრიტერიუმების დაკმაყოფილების შემთხვევაში პირის ქვეპროგრამაში ჩართვა ხდება ავტომატურად. პირმა ან მისმა წარმომადგენელმა უნდა მიმართოს სამედიცინო დაწესებულებას, რომელიც ელექტრონულ მოდულში განათავსებს მოსარგებლე პირის შესახებ წესით გათვალისწინებულ ინფორმაციას. ქვეპროგრამით გათვალისწინებული ვაუჩერის წლიური ლიმიტი შეადგენს 500 ლარს, რომლის გამოყენება შესაძლებელია მრავალჯერადად, ლიმიტის ამოწურვამდე, კალენდარული წლის განმავლობაში.

წესში გათვალისწინებულია მიმწოდებლის მიერ შესრულებული სამუშაოს დამადასტურებელი დოკუმენტაციის წარმოდგენის ვადა, პროცედურა და კონტროლის მექანიზმი.

წესის მე-9 მუხლის „გარდამავალი დებულების“ მიხედვით, 2025 წელს შესრულებული სამუშაო, რომელიც წარმოდგენილი იქნება 2026 წელს, ანაზღაურდეს 2025 წელს მოქმედი წესის შესაბამისად, ქვეპროგრამის ასიგნებების ფარგლებში.

დადგენილების პროექტის პირველი მუხლის „ლ“ ქვეპუნქტით მტკიცდება „მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობის“ (კოდი: 06 02 03) ქვეპროგრამის განხორციელების წესი“ (შემდგომში - წესი), რომლის მიხედვითაც განისაზღვრება ქალაქ თბილისის მუნიციპალიტეტის ბიუჯეტით გათვალისწინებული „მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობის“ (კოდი: 06 02 03) ქვეპროგრამის განხორციელების პირობები და პროცედურები. მოსარგებლეები არიან ქალაქ თბილისში რეგისტრირებული, 18 წლიდან 21 წლამდე (21 წლის შესრულების თვის ჩათვლით) ასაკის პირები, რომლებიც სრულწლოვანების ასაკის მიღწევამდე ბოლო 1 წლის განმავლობაში წარმოდგენდნენ ქალაქ თბილისის მუნიციპალიტეტის ტერიტორიაზე მოქმედი მცირე საოჯახო ტიპის სახლის ბენეფიციარებს, სრულწლოვანების მიღწევის გამო დატოვეს ის და საჭიროებენ საცხოვრისს. ქვეპროგრამაში ხორციელდება სააგენტოს მეურვეობის ქვეშ მყოფი მოსარგებლეების ჩართვა, სააგენტოს შუამდგომლობის საფუძველზე. ქვეპროგრამით გათვალისწინებული მომსახურებების დაფინანსება ხორციელდება სრულწლოვანების მიღწევიდან არაუმეტეს 3 წლის განმავლობაში (21 წლის შესრულების თვის ჩათვლით). წესით გათვალისწინებულია ქვეპროგრამის ფარგლებში გასაწევი მომსახურების სახეები, ქვეპროგრამის განხორციელების მექანიზმი, ქვეპროგრამაში ჩართვის პროცედურა, მოსარგებლისათვის ვაუჩერის დაფინანსების შეწყვეტის საფუძველები და შესრულებული სამუშაოს ანაზღაურების პროცედურა.

წარმოდგენილი დადგენილების პროექტით ძალადაკარგულად ცხადდება „ქალაქ თბილისის მუნიციპალიტეტის ბიუჯეტით გათვალისწინებული სოციალური დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2024 წლის 27 დეკემბრის №50-98 დადგენილება.

აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი. (მომხრე - 8, თავი შეიკავა - 0 წინააღმდეგი - 0).

აქვე, კომისიის სხდომის თავმჯდომარემ ბექა მიქაუტაძემ სიტყვა გადასცა ქალაქ თბილისის მუნიციპალიტეტის მერიის იურიდიული საქალაქო სამსახურის უფროსს სერგო ბირკაძეს, რომელმაც დღის წესრიგით გათვალისწინებული შემდეგი საკითხი ქალაქ თბილისის მუნიციპალიტეტის 2026 წლის ბიუჯეტით გათვალისწინებული „დანგრეული სახლების მაცხოვრებელთა კომპენსაციის“ ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი წარმოადგინა. პროექტის მიზანია ქალაქ თბილისის მუნიციპალიტეტში



დანგრეული ან საცხოვრებლად გამოუსადეგარი სახლების მაცხოვრებელთა, ასევე მძიმე სოციალურ - ეკონომიკური მდგომარეობიდან გამომდინარე უსახლკაროდ დარჩენილ მოქალაქეთა აუცილებელი საცხოვრებელი ფართით უზრუნველყოფისათვის საცხოვრებელი ფართით სარგებლობის ქირის კომპენსაციის გაცემის პირობების და პროცედურების რეგულირება.

დადგენილების პროექტის პირველი მუხლით მტკიცდება „ქალაქ თბილისის მუნიციპალიტეტის 2026 წლის ბიუჯეტით გათვალისწინებული „დანგრეული სახლების მაცხოვრებელთა კომპენსაციის“ ქვეპროგრამის განხორციელების წესი“, რომელიც შესაბამისობაშია ქალაქ თბილისის მუნიციპალიტეტის 2026 წლის ბიუჯეტთან. წესი არეგულირებს ქალაქ თბილისის მუნიციპალიტეტში დანგრეული ან საცხოვრებლად გამოუსადეგარი სახლების მაცხოვრებელთა, ასევე მძიმე სოციალურ - ეკონომიკური მდგომარეობიდან გამომდინარე უსახლკაროდ დარჩენილ მოქალაქეთა აუცილებელი საცხოვრებელი ფართით უზრუნველყოფისათვის საცხოვრებელი ფართით სარგებლობის ქირის კომპენსაციის გაცემის პირობებს და პროცედურებს.

პროექტის მე-2 მუხლით ძალადაკარგულად ცხადდება „ქალაქ თბილისის მუნიციპალიტეტის 2025 წლის ბიუჯეტით გათვალისწინებული „დანგრეული საცხოვრებელი სახლების მაცხოვრებელთა კომპენსაციის“ ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2024 წლის 27 დეკემბრის №50-100 დადგენილება.

წარმოდგენილი პროექტის მე-3 მუხლის თანახმად, დადგენილება ძალაში შედის 2026 წლის პირველი იანვრიდან.

აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი. (მომხრე - 8, თავი შეიკავა - 0 წინააღმდეგი - 0).

კომისიამ დაადგინა

პროექტები განხილულ იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე

ბექა მიქაუტაძე